

I KUMWEKA KWA MUMUNI

UUSUBILA WA CITONDEZYO

CA KUBOOLA KWAKWE



Nda lumba, Mukwesu Neville. Katu ciimvwi kwa kaindi kaniini ku mupailo, tu kotamika mitwe yesu. Taata wesu Wakujulu, kuli Nduwe twapa lumbaizya kuli zyoonse meso esu nzya kabona a matwi esu nzya kamvwa. Alimwi twa Ku lumba, Mwami, nkaambo sunu tu lizi kuti Nduwe Leza nguwenya mupati Jehova oyo wakaliko alimwi Uya kuba lyonse.

² Twa Ku lumba nkambo ka Jesu Kristo Oyo waka cibamba kukonzeka kuti tu konzye kujoka mu luswaanano lwa Buleza a Nduwe, kwiinda mu kutilwa Bulowa Bwakwe butakwe kampenda, kuti kwiinda i—i mu mulungo wa Bulowa obo lino tuli bana ba Leza balombe abasimbi. Ta cina libonya obo mbo tuya kuba ku mamanino, pele tu lizi tu yooba mbuli Nguwe, nkambo tuyo Mu bona mbuli Mbwa bede. Elyo, Taata, oko kula kkwanya koonse kuli ndiswe, kufumbwa biyo kuti katuli mbuli Nguwe, katwiimvwi mu ciimo ca cinkozya Cakwe.

³ Alimwi lino, Taata, ta tuyandi kuba ku oora eli kukozyanisigwa ku zintu zya inyika, pele kucincwa kwiinda ku kubukulusya muuya wesu, kwiinda ku Muuya Uusalala, kuti Ako nzye kusika a kubweza maumi esu mu kumamela Kwakwe Mwini, alimwi kuteeti—kuteeti wa tusololela a ku tweenzya ku mazuba ayo nge twa kasiigwa aa nyika, a kulemeka Zina Lyakwe pati.

⁴ Twa Ku lumba ku zintu ezi zyoonse. A bulangizi mbo tu langila kuswaya Kwako kuba a ndiswe sunumasiku mbuli mbo tubungene lino, a kusyoma kuti Ula swaangana a ndiswe mbuli Mbo kasyomezya. Mu Zina lya Jesu Kristo. Ameni.

Amu kkale.

⁵ Syoma wakali Davida oyo wakati, “Nda kakkomana cindi niba kati kuli ndiswe, kati kuli ndime, ‘Atwe ende mu ng’anda ya Mwami.’” Elyo tuli lumbide loko ncobeni kuba kokuno sunumasiku, a kucimvwa kuba coolwe cakuba a ciindi eci cipati ca ku—ku bakuno, kukanana a ndinywe nobantu.

⁶ Ndi panga mateepu. Aboobo Ndi langa buyo kusule mu kaanda kubona ikuti na bakwesu babamba mateepu. Cili—cili mukucitika eno, mateepu ali mukubeleka. Ncibotu. Obu bukanze bwa ceeci, ngu, Nda kasyomezya kutuma Milumbe, inga yasika, kuteping’wa okuno ku cikombelo. Lino tuli . . .

7 Ndi yanda kwaamba cintucimwi kujatikizya cifumo cino. Sunu, mpoonya buyo kumane masikati, mubwini, cindi ni twali kumanizya muswaangano wa cifumo, cintucimwi cacitika cakuti ndiza bamwi banu tee mwaliko okuno a kuta cimvwa kujatikizya ncico. Ndali kujala kuswaangana, elyo Ndali kukanana kuzwa a cibumbili awa, kulangilila mukwesu kaimvwi awa kasukana maanza a bantu, wa zina lya Mukwesu Way, mbo tu mwiita okuno. Mukaintu wakwe ngu narsi wakazwidilila kabotu.

8 A Mukwesu Way ngu umwi wa balanda ba Leza, alimwi akwalo ubeleka mu mu ncito ya buleya, pele uli jisi kwiitwa ku moyo wakwe, kwa myaka, ku mulimo wa ncito ya misioni. Wa kalimvwa kusololelwa kuti Leza weelela kumuleta kuno a kulindila ku bulizi obu okuno kusikila aka tambule malailile ambi akwindilila kuya mu masena akubelekela. Ii mazuba masyoonto ainda, nke kanana kuli nguwe, a kuba a kubuzyanya kusoonto a nguwe a mukaintu wakwe.

9 A cifumo cino, cindi neli cakubamba kulyaambilila kwangu kwa kuba a mfundiilili, Nda tondeka ku Mukwesu Way akwalo mbuli kuba a mfundiilili, ako kali kabotu ncobeni aakati ka bantu boonse, elyo ku ii—ii kaindi kaniini kumane obo, Mukwesu Way waumwa mu kulwanwa kwa moyo a kuwa kafwa aa cibuye. Elyo Nda bona mukaintu wakwe, alimwi Nda ziba. . . Nda kajanika ku bantu banji kabafwa, elyo Nse—Nse elede ku—ku kwaamba ceeci.

10 Nda yanda kuli kankaizya ali Jesu Kristo a nguzu Zyakwe. Pele ku ciindi eci Ndi yeeya kuti ta tweelede kusola kulikankaizizya Nguwe mu nzila ili yoonse ku cintucimwi Nca—Nca—Nca taka cita. Pele Nda kabona Jesu Kristo kabusya bafu, ziindi zinji, kutakakilwa, bamadokotela bapimapima ku kutondezya.

Kupa mukozyanyo, mu Connecticut calino buyo, mu muswaangano, kakkede mu mpati, i yakale. . . musyobo umwi wa auditoriamu yampuwo, kwakali Dokota Barton, dokota Munakristo aa cibumbili antomwe a ndime, dokota wa masilike. Elyo kwakali mwanakazi Munakristo mubotu uzizilwe, muyandisi, mubotu loko, mwanakazi wakali mwubi. Waa kali kkede kubaanga nku lumwensi lwangu. Elyo Nda kaita mundando wa mipailo, elyo Nda kabona mwanakazi mpoonya buyo. . .

11 Cindi umwi, moyo wabo waleka. . . Inga wajala meso ako, pele cindi walebuka calufu, cindi moyo wako waleka, ncobeni zikoye zya meso ako zila pindamuka, a cibeela cituba ca meso ako cila tutuluka. Alimwi Nda kakubona mbuli mbwa kawizuka. Elyo cakufwambaana bakaitila dokota wa masilike, nkabela wa kazuzila kuli nguwe kuyo bweza kuduntaana kwakwe kwabulowa, a kuzungaanya mutwe wakwe, kabikka maanza akwe ali nguwe, kutwi kwakwe ku moyo wakwe. Elyo waa

kalifwide. Waa kawizukila a cibuye, a mwana wakwe musimbi kakwiila, oko wakanyonganya muswaangano. Nda kazumanana, nkaambo Nse kajisi ijwi lya Mwami ku mwanakazi. Elyo Nda kazumanana.

¹² Ba kaamba cintucimwi cijatikizya kuleta Mukwesu Branham. Elyo ba kati, “Ta tuyandi ku mwiita mu mundando wa mipailo, nkaambo uli kungsi lya kutweluka.” Elyo ba kati, “Amulete Branham muniini,” oyo wakali Billy. Alimwi Billy, mukuba kuti wakali mwanakazi wakafwide, ta kali kuyanda ku . . .

¹³ Nywebo mulizi, bantu baba akuyeeyela kuti muntuumwi uli fwide. Calo, eco—eco ncaanze buyo. Taakwe cintu omuya. Kutu, bantu bagambwa kuyeea. Kutu, muntu taciko, lwabo; ba kaunka. Elyo aboobo wa kayoowa ku—ku unka kuzunguluka mwanakazi, nkaambo waa kali fwide.

¹⁴ Elyo mpawo biyo Muuya Uusalala wakakanana kuli ndime. Nda kacebuka kuzwa ku busena, keenda kuselemuka matantilo, kaboola kubusena nkwa kabede. Elyo Mbwe katalikila buyo kuya oko nkwa kabede, Muuya Uusalala wakakanana kuli ndime; elyo Nda kati, “Mary!”

¹⁵ Waa kati, “Iiyi, Mukwesu Branham.” Waa kali muumi. Kakuli—kakuli ta kalina ndibona mu buumi. Elyo kwakali kutaanzi mu muswaangano.

¹⁶ Mpawo ku Shawano calnoino mukati, oh, inga Nda amba, muli yamamanino, kutandila, myaka yone yakainda, na yosanwe, Nda kali kukanana busiku bumwi ku ciyobwedo ca zilwanyo. Elyo kwakali bbunga pati ya bantu. Elyo mudaala wa myaka ili makumi ali lusele yakukomena, Nda yeeyela, a mukaintu wakwe mubotu, bakali bana Lutherani ku lusyomo, baunka ku mbungano eyo mpati ya Lutherani okuya. Nda luba zina lya njiyo lino. Ni mbungana pati maningi ina Lutherani mu America, ku kubungana komwe buya, kwa bumembala bwa mbungano. Alimwi ncisi cipati cabana Lutherani. Elyo kuciindi Ne kali kukanana, Nda kabona mulombwana, mutwe kauya kusule mbuli *boobo*; elyo maanza akwe akalileka, nkabela wa kavundama kumbele, wakafwide mu cuuno. Elyo mukaintu wakwe wakatalika kukwiila, nkabela waa kakwiila kapati, “Muntuumwi andi gwasye! Muntuumwi andi gwasye!”

¹⁷ Elyo Nda kalanga. Nda kati, “Nyoonse amu kkale buyo, amu umune.” Mwabona? Nda kalindila Mwami kuti andipe ijwi. Elyo—elyo Nda . . . Saatani . . . Nda kali kubambila kubamba lwiito lwaku cipaililo, elyo nce cindi na yanda kulitondezya mwini.

¹⁸ Aboobo sa mwakasola kuziba cindi watalika kubamba lwiito lwaku cipaililo, nobaba bavwanda baniini bayo talika kukwiila, a zintu mbuli ezyo? Oyo ngu Saatani. Nywebo nobasimuuya mula cimvwisya.

19 Aboobo Mwami waka ndipa zina lyakwe, elyo Nda kamwiita, elyo wakaba muumi mbubonya mbuli *boobo*.

20 Elyo cifumo cino cindi Ne li kunyona, mwabona, alimwi Nda kabona, ziindi zinji, Mwami Jesu kabusya bafu. I muvwanda muniini mu Mexico wakafwa aa naini okuloko cifumo eco, elyo eci cakali akati ka teeni a ileveni busiku obo cindi nakabusigwa ku buumi. Elyo—elyo obo mbumboni busetekene antomwe abumboni bwa dokota kuli ncico, mwabona, kuti muvwanda wakafwa mu ofesi lyakwe aa naini okuloko cifumo eco. Ndi yeeya kuti kakali kamano. Nkabela muvwanda ulapona asunu, kuciimo mbuli Mbwe zyi. Elyo eco cakali kumbele, oh, ma, lya bantu bali zyuulu zili makumi otatwe, makumi one.

21 Alimwi mpawo cifumo cino Nda bona Mukwesu wesu Way, mbuli mbwa kkede, wali kkede mpoonya awa lino. Pele mbuli mbwa kakkede eeni *awa* amwi, wa liimvwi. Elyo twa kali kwiimba, kuteeti, “Bulemu, bulemu, aleluya,” a kusukana maanza umwi aumwi. Nda mubona mbuli mbo kwamuuma, a mutwe wakwe waya kusule. Walo, Mukwesu Way, tapedwe ku zintu mbuli cintu cili coonse mbuli wizuka na kwiinka mbuli boobo. Elyo, walo, Nda mubona kawida kusule. Elyo Nda bona mukaintu wakwe, uli ngu narsi wakazwidilila, kalingula kuduntaana kwakwe kwabulowa. Elyo waa kakwiila; kwa kalimanide.

22 Elyo—elyo mpawo Nda syoma wakali Mucizi Nash, mulindu awa, mucizi uusiya uboola ku mbungano, bamwi babo baka talika kuzuzila kumbele. Elyo lino walo, Muka. Way, waka zumanana kundi tambikizya kuboola aa cibumbili. Elyo Nda kati, “Nyoonse amuumune, amuumune mu zyuuno zyanu.” Muta libiliki pe mu musyobo oyo wa ziindi. Mwabona? Nce ncico Saatani nca yanda kucita. Amulindile buyo a kubona eco Nca amba. Ikuti na muntuumwi uya buzumanana kuya ku Bulemu, ee, tweelede kuya kuunka ciindicimwi, taakwe busena bubotu kwiinda mu cikombelo, aboobo—aboobo moonya mu ng’anda ya Mwami. Aboobo mpawo. . .

Pele mwaalumi wakali kupindamuka. Nda kayeeya ndiza cintucimwi caka, wa kawizuka na cintucimwi cakacitika kuli nguwe, mu ciyanza eco. Pele cindi Ne kalanga, nkabela mutwe wakwe wakalanga munzila *eyi*, a kubona ca mukati, cibeela caansi ca meso akwe, caka tutuluka. To konzyi kujala, to konzyi kubikka meso ako mu ciimo eco; walo moyo uulesya eco kucita ceeco. Elyo Nda abusena *obu*, elyo wa. . . Kwakali umwi, muntu sibuyya, wakabikka ii. . . cintucimwi ca mutwe wakwe ca kuyaama. Elyo ngaayo matende akwe, maanza, a zintuzyonse, kaziyumide. Wa kaleka. Busyu bwakwe bwakali kusiya mbuli bbaki lyangu, lya mubala uusubila akusiya, a meso akwe akapindamuka. Alimwi Ndi likuzi kulwana kwa moyo. Ndi lizi eco ncoba cita a nzila mbo banyona; kufumbwa muntu oyo wakasola kukubona. Aboobo Nda kabikka janza lyangu aku

duntaana kwakwe, nkabela kwakanyina kuduntaana limbi mbo kutakwe a desiki eli. Taakwe cintu. Ngooyu mukaintu wakwe, narsi wakazwidilila, oyo wakalingula kuduntaana kwakwe. Kwakanyina kuduntaana kwabulowa okuya.

²³ Mpawo, buzuba bumwi kuciindi Ne kali a Mukwesu Way mu kutweluka omuno, Nda kabona kuti wa kajisi moyo uunyontauka, nekuba. Aboobo mpawo Nda kayeeya, “Oku nko nkuko.” Aboobo Nda kabikka maanza angu ali nguwe. Nda kati, “Oyandwa Leza, Nda ita, mu Zina Iya Jesu Kristo, buntu bwa mukwesu wangu, buumi bwakwe kujoka alubo.” Elyo Mwami Jehova ulizi, a Bbaibele Lyakwe awa kumbele lyangu, Iya kalimvwisya obo, cindi Ne kajisi janza lyangu aa kuduntaana kwakwe. . . Elyo mbuli Mbwe zyi kuti Ndiyo peda bwiinguzi kuli ceeci ku Buzuba bwa Lubeta ikuti na cili lubide. Elyo kwa kalimvwisya mbuli kuti kudundaana kwakwe kwakadunta ziindi zyone na zyosanwe, cakufwambaana, akuyabuya kuti, puupu, puupu, puupu, puupu, puupu; mpawo kwakatalika, kuyabuya, puupu, puupu, puupu, puupu.

²⁴ Elyo wa kali kusola kujula mulomo wakwe kwaamba cintucimwi kuli ndime. A kusola kucitya mulomo wakwe, a kubabbalika, kubaanga nku, sola ku caamba. Elyo wa kagwisya majwi aakuti, “Mukwesu Branham.” Mpawo cakali kuboneka kuti na kajoka koonna na cintucimwi, elyo Nda kalindila aniini alubo, kalanga kuduntaana kwakwe alubo; kwakali kudunta kabotu. Elyo mpawo alubo Nda kalanga, nkabela wa kandilanga. Elyo wa kali kubaanga, Nda kabona, kali nyongene mwini; ta kazi awo mpa kabede, pele moyo wakwe kauuma bweelede. A Leza waka josya buumi bwakwe kuli nguwe alubo.

²⁵ Aboobo Nda—Nda amba eco mu lulemeko Iwa Jesu Kristo, Oyo Ngu Leza nguwenya, kuti cindi. . . Cifumo cino Nda mbauka ciindi cilamfu, kwiindilila ciindi cangu, a kukatala a kudekela. Alimwi inga kwaba zintu zyobilo. Kwayanda waka katala, na cindi Ne kakanana kuba a mfundiilili, kutali buyo ku—ku nyonganya mukwesu wangu, mbuli mbo tunga twa caamba, nkaambo Nda kajisi. . . Nda kali kubamba kulyaambilila kwangu kwa kuba a mfundiilili. Elyo Nda yeeyela ikuti na Nda buzya sunumasiku, mu bbunga eli Iya bantu, “Mbangaye omuno bazi kuti muli jisi mfundiilili?” maanza onse alatandila kutambika. Kutegwa muzibe, Mukwesu Way, andi kutondezye buyo naa nku tweluka na pe. Mbangaye bazi kuti mujisi mfundiilili, tambika janza lyako. Langa okuya! Wabona? Pele Ta—Ta ndizi ikuti na eco cilagambya kuli ndime kwaamba ceeco ku Mukwesu Way, kucitola mbuli kuti inga Nda mu tapatila na cintucimwi, mpawo, kuti wa kawida mu ciimo eci, nkabela Mwami Jesu waka mubusya.

²⁶ Lino Ndi—Ndili. . . yeeya kuti Leza nguwenya oyo Musalali mupati Paulo ngwa kaiminina mu mazuba akwe, kuti na

kakambauka ciindi cilamfu busiku bumwi, nkabela muntu wakawa elyo buumi bwakwe bwakazwa kuli nguwe; elyo Paulo, kaboola atala lya muntu, kwindi ku luzyalo lwa Leza, kaamba ku bbunga, “Buumi bwakwe buli muli mukati ka nguwe.” Ndi—Ndi yeeya kuti cila tondezya kuli ndiswe, na ikuti na tona cibona, kuti Jesu Kristo ngu mbobuca nguwenya, sunu, amuya myaaka.

²⁷ Elyo mpawo kwayanda caakli boobu, eco Nce li kusola kuyeeya masakati aya. Kutu, Nda kaliimvwi awa, a moyo wangu oonse kamwaambila Bwini ncobeni, a ku mwaambila mfundiilili yangu, a kubamba kulyaambilila kwangu kwaantangelala, nkaambo. . . a kumulomba kukomba kuti buntu bwangu bwa mukati buka cincwe ku bantu, kuti Nda nka konzye kucita mbuli Mwami mbwa kacita. Elyo kusimpikizya kuti Walo uciyo ndituma ku masena akubelekela, Ula lekela eco kucitika kutondezya kuti Uci ponya baciswa, uh-huh, mwabona, kubusya bafu. Elyo Ndi yeeya kuti cakali buyo cakusimpikizya ceeco Nce kali kukambauka, alimwi bwakali kupa bumboni bwa Bwami bwa Leza. Alimwi eco ncintucimwi mu mundando wa ceeco Nca kazwaa kwaambila Mukwesu Roberson okuya, alimwi umwi umbi wa bakwesu. Lino tula Mu yanda kuli ceeco.

²⁸ Elyo twa lumba sunumasiku kuti Mukwesu Way uli andiswe sunumasiku. Alimwi masimpe Leza tana manizya a mukwesu wesu, napee aafwaa cifumo cino. Kuli cintucimwi ca Mukwesu Way ca kucita. Alimwi Ndi yanda kuti uzibe, Mukwesu Way, kuti eyi mbungano yoonse, a lwangu, tuno komba kuti Leza uyo kutondezya bubambe Bwakwe ku buumi bwako abwa mukaintu wako; elyo, mbo butabe biyu cintu, ciyo kubikka mukati muya. Ndili masimpe Uyo cicitu, Mukwesu Way. Alimwi toonse swebo, mbuli Banakristo, tuyo lumba nkambo ka Mukwesu Way. Sa mbo mbubo, mbungano? Elyo tuyo komba kuti walo a Mucizi Way bayo jana busena bwabo mu Mwami, ku mulimo wabo mu buumi.

²⁹ Lino, akwalo, Nda kali kuyanda kukanana ku Mukwesu Way. Nda boola cakufwambaana kutegwa Nke konzye kukanana kuli nguwe a kujana buyo kulanganya kwakwe mbo kubede, na eco cakacitika. Elyo ta zyi. Mwabona, ca kazwa buyo, nkabela wa fwa buyo a kumana. Kwa mana.

Mukwesu Way wakali kuyanda a kubuzya ikuti na kuli umwi mu buyake oyo uselemukila ku Arkansas, Bwabili na kufumbwa cindi mwaunka, ku—ku muswaangano oyu. Lino, antela walo—walo muswaangano muniini loko. Bwalo mbubunyina abo baswaangana. Elyo Ndi yeeya uli mu musyobo umwi wa zisaka, na cintucimwi cimbi, atala eni. Elyo antela takukabi bantu banji loko, Nda—Nda yeeyela, ku muswaangano, nkaambo, mukasimpe, ta bazi akwalo kuti Nda boola, nekuba. Mwabona? Elyo aboobo beenzuma bangu baliko okuya, antela kuyooba busiku na bobilo kabatana kuziba, abalo beenzuma bangu mu Arkansas, abo bandizi kumusanza kuya, bayooba ku

muswaangano. Pele ikuti na umwi uya kuunka, alimwi inga waba a busena bwa kulekela umwi kweenda ambabo, Mukwesu Way inga wa kkomana kucicita. Wa ti kwaambilizya kuti takabi mukuli aa bantu, ku mubamba kuciindi nanooli okuya, nkaambo wali kukonzya kucicita. Pele walo, ikuti na umwi ula unka, inga caba citondezyo kuli nguwe kuti Leza uyo muyandila eco, na inga kwaba mu—kuba mu luyando lwa Leza kuli nguwe kuunka kumusanza. Aboobo nyoonse muli muzi Mukwesu Way, ukkede awa ku kkona. Alimwi ikuti na umwi ula yanda, uya kumusanza, alimwi ujisi busena bwa sikukkwela umbi, inga wabotelwa kucicita.

³⁰ Alimwi mpawo Munsondo mutobela masiku, Mwami nawayanda, Ndiyo—Ndiyo joka, na Munsondo mucilila cifumo, mubwini. Elyo—elyo ikuti na Mukwesu Neville ujisi cikolo ca Munsondo, elyo cindi camana, Ndi yanda kupanga teepu imbi ikuti na Nda konzya. Alimwi ikuti na Nse lubizya, Ndi yeeya kuti Ndiyo kanana aakuti *Sena Buumi Bwako . . . Sa Buumi Bwako Buleelela Ku Makanimabotu?* Eco, eco i, na, *Sa walo mukaintu . . . Buleelela Ku Makanimabotu Na?* Nce ncico Nce pandulula kwaamba. *Sa Buumi Bwako Bweelela Ku Makanimabotu?* Elyo Ndi yanda kupanga teepu ali ceeco, ikuti na Mwami wayanda.

³¹ Elyo lino, sunumasiku, Nda ambilizya sunu kuti Ndiyo panga teepu. Elyo mweembeli, Ta ndi yeeyi akwalo kukambauka; waka ndiita buyo kuzwa, a boobo kukanana awa aa cibumbili. Lino, mpawo Ta ndizi. . . Lino, ikuti na bapanga mateepu, ikuti na walibonya ku katala na cintucimwi, uyanda kuzwa, amubatame buyo mbuli mbo kukonzeka, nkaambo ta tu. . . Mwabona, aya—aya mamaikrofooni ala jata maningi, maningi, nkabela ala bweza coongo ciniini. Elyo tuli mukupanga, kusola kupanga mateepu aya ku mulimo wa masi manji.

³² Elyo sunumasiku Ndi yanda kwaambilizya ciiyo cangu mbuli i. . . Ne—Ne mana kabala Ijwi lya Leza, lijanwa mu Makanimabotu aa Musalali Matayo, cipati 24. Aa Makanimabotu kweendelana ku Musalali Matayo, cipati 24, elyo atu talike lino ku kampango ka 32 a kubala Lugwalo.

Lino amwiiye cikozyanyo ca samu lya bukuyu; Cindi mutabi walyo wa—wa nooli mutete, a kusyuuka matu, nywebo mulaziba kuti mainza ali afwaafwi:

Aboobo mbubonya anywebo, cindi mwaa kubona zintu ezi zyoonse, mukazibe kuti cili munsu, nokuba ku mulyango.

Ncobeni Nda mwaambila, Eyi nzyalani taika lobi, mane zintu ezi zyoonse zika zulile.

Majulu a nyika ziyo loba, pele majwi angu ta kalobi.

Pele kwa i buzuba alimwi i kwa oora taakwe muntu uuzi, peepe, naanka baangelo baku julu, pele Taata alikke.

Pele mbuli mazuba akwa Nowa mbwa kabede, mbubonya akwalo mbobuya kuba kuboola Mwana wa muntu.

³³ Lino mu kubala kwesu, tula jana sunumasiku, mbuli mbo tubala, kuti cibeela citaanzi ca chipati eci caamba kuti basikwiiya baka Mwi ita kunze lya cilundu, mulundu, a ku Mwa ambila kuti, “Ncinzi ciyooba citondezyo ca mamanino aa nyika? Ncinzi ciyooba citondezyo ca Kuboola Kwako? Alimwi ndelili nekutakabi ciindi ca bbwe lyomwe liyo syaala atala alimbi, aa tempele?” Lino Wa zumanana kwiingula. Mwabona awa mu kampango ka 1.

...Jesu wakaunka kumwi, nkabela wakazwa mu tempele: elyo basikwiiya bakwe bakasika kuli nguwe... kuti bamutondezye buyake bwa tempele.

Elyo Jesu waka baambila kuti, Sa tamu boni zintu ezi zyoonse? ncobeni Nda mwaambila, Ta kukasiigwi awa bbwe lyomwe atala ali limbi, elyo lita kasowelwi ansi.

Elyo sikwiiya wakwe...Elyo mbuli mbwa kakkede aa cilundu... (mundi jatile)...mbuli mbwa kakkede aa cilundu ca Olifa, i basikwiiya baka boola kuli nguwe cakumbali, kabaamba kuti, Ko twaambila, ndeelili zintu ezi neziya kuba? alimwi ncitondezyo nzi ciya kuba ca kuboola kwako, a ca mamanino aa inyika?

³⁴ Mwabona, ba kabuzya mibuzyo yotatwe, elyo Wa iingula mibuzyo yotatwe. “Ndelili nekutakabi ciindi bbwe lyomwe nelio syaala atala alimbi? Ino ncitondezyo nzi ca Kuboola Kwako? Alimwi ino kujatikizya mamanino aa inyika?” Elyo banji, Ndila syoma, kuti swebu bakwesu tula lubizya kwiinda mukusola kucibikka coonse ku Kuboola Kwakwe. Pele Walo wiingula mibuzyo yotatwe yandeene eyo Nja akabuzigwa. “Nkaambonzi nco kunooli ciindi cakuti takukabi limwi lya mabwe aya liyo syaala atala alimbi; ino eci ciyooba lili? Alimwi ncinzi ciyooba citondezyo ca Kuboola Kwako? Alimwi ayooba lili mamanino aa inyika?” Mwabona, mibuzyo yotatwe yandeene. Elyo Ula talika kuvwiila omwe, ujatikizya cindi “i mabwe nata kasyaali atala amabwe nyina.” Elyo mpawo Aa mana kugozya mubuzyo oyo, mpawo Ula talika kuyabuyaa, “ku citondezyo ca Kuboola Kwakwe.” Elyo mpawo kunjila, “ku mamanino aa inyika.”

³⁵ Lino tula bona awa cimwi ca zintu Nze yanda kukanana sunumasiku, ngu I—I Kumweka Kwa Mumuni Usubila Wa Citondezyo Ca Kuboola Kwakwe. Elyo tula kkala sunumasiku aa mazuba akwa Nowa, “Mbubonya mbo ciya kuba ku kuboola kwa Mwana wa muntu.” Elyo Nda...eci cakandi jata buzuba

bumwi, elyo Nda kayeeya kuti ndiza inga Nda sola ku tepin'ga eyi a kukanana ali eyi. A kulemba Magwalo masyoonto awa ayo Nge yanda kutondeka, ndiza, a—a kubala, aniini nconzyo.

³⁶ Pele lino Mwami wesu Jesu waka buzigwa mubuzyo oyu, nkabela Wa kabapa citondezyo ca Kuboola Kwakwe. Elyo mpoonya biyo Wa kaamba ceeci, “Majulu a nyika ziyo loba, pele Ijwi Lyangu tali kalobi.” Elyo mpawo Wa kati, “Amwiiye cikozyanyo ca samu lya bukuyu. Cindi wanobikka mitabi yawo, mulaziba kuti mainza ali afwaafwi. Aboobo cindi mwabona zintu ezi kazicitika, na ku yubululwa, amuzibe kuti ciindi cili afwaafwi. Alimwi nzyalani eyi taika lobi mane zintu ezi zyoonse zika boole kucitika.” Ni nzyalani nzi? I nzyalani eyo ili mukubona buzangi obo mbo tuboola kanana sunumasiku.

³⁷ Aboobo cindi twa yeeya cibalo cangu, mbuli kumweka kwa mumuni uusubila wa Kuboola Kwakwe, kundi yeezya kulindila ku citishini ca njanji, kuti cindi muntu na bantu baimikila kuba, mbuli bunji bwesu mbo tucita, cindi ni twakali kulindila kukkwela citima. Elyo ta tukonzyi kumvwa citima, nape tamu ciboni, pele mulizi kuti calo—calo nciindi. Ndiza sikubona zyeendelo kweenda muciiindi wati, “Calo ii—ii camuka aniini. Tacili eeni aa ciindi, pele ta tuzi ncobeni cindi, pele cila sika calino.” Elyo tuyo enda mu citishini, a maanza esu mu nkomo zyesu, a kubikka kabotu sutukesi eesu, akuunka kuya kuula cisaka ca ndongwe, a kwaambaula ku i . . . muntuumwi uli mutala akagwagwa. Pele mpoonya biyo twa bona cintucimwi cacitika. Kuli coongo cicitika mu njanji. Elyo cindi twa cita, kuboko kula selemuka, nkabela mumuni uusubila ulatalika kumweka. Ino ncinzi eco? I citima ceendela mumsi lya mayake. Nekubakuti tamu konzyi ku cimvwa, nekubakuti tamu konzyi ku cibona, pele nekuba oyo mumuni uusubila uumweka nkabela oko kuboko kakuli ansi kutondezya kuti cili mukusika. Alimwi mpawo ikuti na ulangila kweendela mu citima eco, ncibotu wasowela nsi eco cisaka ca ndongwe, leka kwaambaula kwako, nyamuna masutukesi ako, a kulibambila kwataba obo ula syaala, nkambo ciima buyo mubusena kwa kaindi kaniini. Cino unkide. Ikuti na uciimvwi kwiizya, a simukobonyina mutala lya kagwagwa, ula syaala.

³⁸ Inga cainda buti, mpawo, cindi twa bona cizibyo kacimweka cakuti We ebdela mumsi lya mayake! I citima ca makanimabotu akaindi cilainda, cakufwaambaana loko. Elyo mbuli mbo twiia sunumasiku aa cibalo eci cipati, cizibyo cimweka, mbuli Mwami wesu mbwa kakkede aa mulundu a kubaamba zintu ezi kuti ziyo citika, “Mbuli mbo kwakabede mu mazuba akwa Nowa, mbubonya mbo kuyooba mu kuboola kwa Mwana wa muntu.”

³⁹ Lino tu yanda kujoka, ku kabeela kaniini, a kubona ikuti na inga twa jana cintu cili coonse mu buzuba buno eco cikozyanya a mazuba akwa Nowa. Alimwi mpawo inga twa ziba mpawo awo mpo tubede mu buzuba obo Mwami wesu mbwa kaamba, kubona

ikuti na inga twa jana bukozyanye buli boonse bwa mazuba akwa Nowa. Kutegwa kucitwe ceeci, Ndi yeeya kuti tweelede kujoka ku Bbuku lya Matalikilo, ku mazuba akwa Nowa. Elyo ikuti na mula jula a ndime, ikuti na mula yanda, mu Lugwalo, kujoka ku Matalikilo cipati 6, elyo ayo mazuba aa zambangulwe, a kulilemeka a ziimo zya buzuba obo, Matalikilo cipati ca 6. Lino, tu yanda kubala, kubona a kweezyanisyza buzuba obo a buzuba buno. Amubone.

Elyo caka boola kucitika, cindi bantu niba katalika kuvuziyanya atala lya nyika, . . .

⁴⁰ I bbala ndilyonya taanzi litu tondezya a mumuni uumweka nconzyo kuti buzuba buli afwaafwi, nkambo taku nabede ciindi mu makani oonse akale ayo akasola kuba bantu nibalai banji loko, a kuvuzizya cakufwambana loko, mbuli mbo tu jisi sunu, kusikila nciyumu kujana busena bwa kukkala. Elyo bantu banji loko kaba vuzizya aa nyika, kusikila sayaansi yaamba, kuti, “Ikuti na yazumanana kuvuzizya mbuli mbo kwakabede, mu myaka ili makumi obilo takukabi akwalo cakulya aa nyika ica bantu.” *Reader’s Digest*, Nda syoma yakali njiyo, eco yaka balulula eco, kuti, “Takukabi akwalo cakulya ica bantu, bali mukuvuzizya cakufwambaana loko.”

⁴¹ Inga twa langa koonse a kubona kuti masena ayo akali nkanda akasanduka kuba madolopo, alimwi nekuba kunyonauna kuzyala kuli mukucitika kwako kupati cakupilingena kwindi lyonse. Nda syoma kwa kaambwa ku Chicago . . . Nda syoma Nse impyi kubalulula myeelwe eyi. Pele mubwini twaambo twa kalembwa, twaambo twa kugwisya mada tuli zyuulu zili makumi otatwe mu mazuba oonse ali makumi cisambomwe, mu Chicago. Twaambo twa kugwisya mada mu mazuba alicisambomwe onse, twakalembwa! Ino oto twata kasola kulembwa? Mwabona, mu dolopo buyo lyomwe pati lya bantu bali mamilioni one! Ino kujatikizya inyika mbiizulwa? Alimwi nekubakuti mweelwe wabantu wavula kapati kusikila bakakilwa nokuba kuumamela ku . . .

⁴² India, bali mukusola kuba . . . kupanga kunyonganya cibeela ca buntunsi ica muntu, a kubabamba kuba basundi, kutegwa bana kaba konzyi kuzyalwa, nkaambo bali—bali mu kuvula kapati. Mamilioni ali myaanda yone a makumi ali ciloba, ku ciindi eci, mu India.

⁴³ Mbobuti kujatikizya China, oko kuvula nkokuli kunji loko, Russia a masi manji aamu inyika? “Cindi muntu atalika kuvuzizya atala lya nyika.” Mwabona? Lino tu joka ku ciindi cakaindi ca zambangulwe.

. . . a bana basimbi bakazyalwa kuli mbabo,

Alimwi bana balombe iba Leza bakabona bana basimbi ba bantu kuti bakali babotu; nkabela baka

libwezela bamakaintu kuba...boonse abo mbe bakasala.

Elyo MWAMI wakati, Muuya wangu lyoonse tau kakazyanyi a muntu, nkambo akwalo walo ni nyama buyo: nekubaboobo mazuba akwe ayooba ii—ii myaka ili mwaanda a makumi obilo.

Alimwi kwakali mabbabbani mu cisi mu mazuba ayo; alimwi akwalo kuzwa mbabo...bana ba Leza bakasika...ku bana basimbi ba bantu, elyo baka bazyalila bana, alimwi i mbabonya bakaba bantu basinguzu abo bakali bakaindi...basimpuwo.

44 Oh, ino ii—ii nciyo nco tu jisi awa! Mwabona? Lino, cimwi ca zintu zitaanzi nze Ndi yanda kuti mubone, nkuti i—i bana ba Leza bakabona bana basimbi ba bantu, kuti bakali babotu. Lino Ta ndi . . .Ndi tondeka eci ku nyika yoonse. Pele taku nabede ciindi aa nyika, mbuli Mbwe konzya kuyeeya, biyo ku ciindi eco, kuteeti kwakali ii—ii bweebesi boonse akati ka banakazi.

45 Elyo inga mwaibaluka, nobamwi banakazi bapati, a bamwi banu nobantu, baalumi, abo bakonzya kwiibaluka myaka yainda musyule, obo mbo cakabede kanji kutakonzya kujana mwanakazi mubotu. Pele asunu tamu jani naba omwe cita mubotu. Nkaambo kakuti baboola ku busena obu bwa kugela masusu aya oonse, a kulipenta, a—a misyobo yoonse ya zisani zyakabaamu a zintu. Bala konzya kulitondezya lwabo munzila ili boobo. Elyo mpawo ngu, cintu cimbi, janza lya ciindi liya bujoka, kweendelana ku Lugwalo. Alimwi banakazi bala zumanana kuvula mukuba babotu.

46 Nda konzya kuyeeya cindi Ne kali mulombe muniini mu cikolo, a kunyona a kulanga bana baniini sunu, basimbi baniini kaba boola. Elyo inga Nda langa, kuyeeya banakazi cindi Ne kali mwaalumi mukubusyi, a kulanga basimbi sunu. Ndila yeeya kuti kwakali kunga kuli musimbi omwe wampuwo, nkabela oko takuli kwiindilila myaka iili makumi obile ayosanwe yakainda, musimbi omwe wampuwo, musimbi mubotu, elyo kwalo kutandila mulombe uli woonse wakali kuyanda kweenda a musimbi oyu, nkaambo waa kali namalelo wa i—wa nkamu. Ndiza mu dolopo lyoonse, kwakali kunga kuli bobilo na botatwe banakazi abo. Lino cintu coonse caba cibotu, boonse babo. Oko nkuzulizya Lugwalo, a mumuni uusubila kaumweka kuti ciindi cili afwaafwi.

47 Ba kaanza zintu zili boobo mbuli misila yaku milomo a—a zyakuli cinca, kuti mwanakazi utali mubotu loko, uci konzya kulilondola mwini kwinda i—konse kulicinca kubota ku meso alimwi i—i zintu nzobacita kulibotya beni.

48 Max Factor ulaulwa isikati a masiku, nkabela kuli kubelesya kunji kwamali aa misila, mu America, mu mwaka, ku kubamba banakazi kubota, kwiinda mbo kubelesegwa ku cintoole ca zilyo

azyakubelesya. Mbo mbubo. Nda luba na mabbilionni aa madollar ongaye a abelesegwa ku misila, akucitya banakazi besu kubota.

⁴⁹ Lino, Ta ndaambi cintu kulwana ceeco, Ndi mutondezya buyo kuti nkumweka kwa mumuni uusubila kuti ciindi cili afwaafwi. Nkambo Jesu wakati, Mwini, “Mbuli mbo kwakabede mu mazuba akwa Nowa, mbubonya mbo ciya kuba mu kuboola kwa Mwana wa muntu.” Mwabona, cintu nciconya.

⁵⁰ Elyo amubone, “Cindi bantu batalika kuvuzizya, bantu banji. I bana basimbi ba bantu bakali babotu; nkabela bana balombe iba Leza bakali kubalanga, a kulibwezela bamakaintu.” Lino, oko takuli kwaamba kwangu ndemwini. Ndi cibala kuzwa mu Bbaibbele, awo Jesu mpa katwaambila kujoka ku Matalikilo a kweezyanisya mazuba aya antoomwe. I kuvuzizya kwa bantu, a bwebesi bwa banakazi, lino eco nkitondezyo cipati.

⁵¹ Lino kucenjezya, kucenjezya kwa Jehova, kampango ka 3.

Elyo MWAMI wakati, . . .

⁵² Kumane biyo eci kucitika . . . Amuyeeye, Muuya Uusalala wakalamba Bbaibbele, alimwi Jesu wakapegwa nguzu a buzule bwa Muuya Uusalala. Alimwi Wa kakanana biyo kwiinda ku Muuya Uusalala. A Magwalo ali lembedwe kwiinda ku Muuya Uusalala. Elyo nguonya Oyo Wa kalemba Matalikilo 6, waka twaambila muli Matayo 24, kuziba ciindi nicakali kaswena, kujoka ku Matalikilo 6 a kuceezyanisya.

⁵³ Kuvuzigwa kwa bantu aa nyika; alimwi nekubaboobo kunyonauna kuziyala, a zintu zyonse zizumanana, ta zilingulwi pe nokuba. Iya buya mbubonya, nkaambo tuli ku ciindi camamanino.

⁵⁴ Alimwi mpawo amubone, mpoonya biyo nikwa kasika cindi cakuti banakazi bakali babotu loko, kweebeka loko. Elyo tula cilangalanga eco kubelesya ceeci a kukonzya kucitondezya.

⁵⁵ Lino, Nda kali kulanga ku zifoto zimwi kaindi loko cindi basikale besu, cindi niba kalanduka nkwaalale. Alimwi Nse konzyi kwiita i-i zina lya mwanakazi, pele zina lyakwe lyakali zibidwe kuzwa ku San Francisco kusika—kusika ku Boston, mukuba mwanakazi wakali mubotu maningi mu cisi. Pearl White, Nda syoma, lyakali zina lyakwe, kwa myaka minji yainda. Waa kajaigwa kwiinda ku muyandwi wakwe, Scott Jackson. Elyo ikuti na wabona cifoto ca mwanakazi, mukuba mulindu mubotu maningi wa cisi, inga to mulanga nokuceya. Inga waboneka mbuli cintu cakaindi ciyandisi okuno mu kagwagwa. Kutandila mwanakazi uli oonse ngo konzya kujata nzila ili yoonse njo yanda, inga waba ziindi zzyotatwe kubotesya kwiinda nguwe, kufumbwa mwanakazi sunu oyo ngo konzya kujata kaselemuka kagwagwa. Mwabona, kwalo nkwiindila, kwa bwebesi bwa banakazi.

⁵⁶ Elyo mpawo Nda libuzya ikuti na banakazi besu bala mvwisya eci a kukonzya. . . Ako nkekaambo Ndi yanda teepu eyi kuunka, kuti—kuti ta mweelede kusama loko. . . Tu yanda kuti kamuli babotu, pele tu yanda kuti mube mbuli mbo mwakalengwa. Tu tuyanda kuti kamuli babotu aatala biyo. Bamwi aba banakazi babotu, ikuti na wabanika mu cidishi cakusambila asyonto akuba sanzya, inga balibonya bwandeene aniini, a—a kuba samika mbuli mbo beelede kusama. Pele taba—taba—taba ciciti, alimwi to konzyi kubaambila bumbi. Elyo tula sika kuli ceeco kwainda kaindi. Pele oyu i—i mumuni uusubila uumweka.

⁵⁷ Elyo amuyeeye, cindi bantu niba katalika kuvuzizya aa nyika, nkabela banakazi bakaba babotu, lyakali oora eelyo, lyakali ku ciindi eco, cakuti:

. . . i MWAMI wakati, Muuya wangu lyoonse tau
kakazyanyi a muntu, . . .

Sa mwaibona kkilachi? Sena mwa libona janza lya Leza? “Muuya Wangu!” I bana basimbi ba bantu bakali babotu; nkabela bakali bwezela bamakaintu. Elyo Wa kati, mpawo, “Muuya Wangu lyoonse tau kakazyanyi a muntu. Njo mazuba akwe oonse mu caabilo.”

Lino kampango ka 4:

Alimwi kwakali mabbabani mu nyika mu mazuba ayo; alimwi akwalo kumane obo, . . . i bana ba Leza bakasika. . . ku bana basimbi ba bantu, na—na bana basimbi ba bantu, nkabela ba kazyala bana kuli—kuli mbabo, alimwi mbabonya bakaba bantu basinguzu abo bakaindi, . . . basimpuwo.

⁵⁸ Sena mwabona kuti teelya kaamba cintu cijatikizya lukwatano? Amubone, “I bana balombe iba Leza bakasika ku bana basimbi ba bantu,” taakwe cintu cijatikizya lukwatano. Elyo ikuti na wa bweza mu Cigriki citaanzi awo, bupanduluzi bwa bba, lilati, Ndi lilemba awa abusena bumwi, “mukaintu.” “Baka libwezela *bamakaintu*,” mu kampango ka 3, “bakali tolela *bamakaintu*.” Muci Griki, Nda lilanga masakati aya, talya ambi kuti, “Kuli bwezela *bamakaintu*.” Lya kati, “Bakali tolela *banakazi*,” kutali bamakaintu. Lino amuli lange a yanu—a yanu. . . I Emphatic Diaglott, a kulanga ikuti na eco tacili ca bwini.

⁵⁹ “Bakali tolela *banakazi*,” kutali bamakaintu. Bakali tolela buyo mbuli mbo bakabede, basinkwela buyo, mbuli mbo tujisi sunu. Majwi amwi, bakali basinkwela mu buzuba obo mbubonya buyo mbo babede lino. Ba kaunka nzila ili yoonse njo bakali kuyanda, a kutola mwanakazi uli oonse ngo bakali kukonzya.

⁶⁰ “Elyo cindi bana balombe ba Leza. . .” Lino, bunji bwabo balaamba awa kuti abo bakali Baangelo bakawa, abamwi bambi, a baalumi a banakazi. Pele kutondezya kuti cili

lubide, cili lubide ncobeni, i Bbaibbele ta lyaambi ali oonse kujatikizya Baangelo mukuba baalumi na banakazi. Alimwi, kunze, taakwe ii—ii mwanakazi wa kaambwa mbuli kuba Angelo, mu Bbaibbele, kwiina. Lino ikuti na muyanda Lugwalo lwa ceeco, Matayo 22:20, amwi ambi, inga mwa cijana.

⁶¹ Lino, kuti, kuti, kwiina cintu cili boobo mbuli angelo mwanakazi. Ako nkekaambo mukambausi mwanakazi... *Angelo* walo “mutumwa.” Elyo walo ii—elyo walo ii... *Ii angelo* walo “mutumwa.” Elyo kwiina cili boobo. Pele, nywebo mwabona, kuti ba kacinca sunu, mbuli mbo cakabede kaindi. Lino, Ndi jisi twaambo tumwi twa makani aakale tulembedwe aapepa awa, nto tu yanda kunjila mu maminiti masyoonto.

⁶² Amubone, banakazi ba buzuba obo, mu mazuba akwa Nowa, kweelede kuti wakali mubandi wa buzuba. Mwabona, “bana ba Leza,” iba Seti, bana ba Seti, bakabona bana basimbi ba Kaini, kuti bakali babotu. Nkaambonzi? Ba kali babi, alimwi bakali bana basimbi iba Kaini. “Cindi bana balombe ba Leza niba kabona bana basimbi ba bantu, kuti bakali babotu, bakali bwezela banakazi. Mpawo bana balombe iba Leza bakawa kuzwa ku ziimo zyabo kuli Leza, akuba basibanakazi.” Alimwi ikuti na eco tacili ciimo ca sunu, Ta ndizi mbo cibede. Obo mbwini.

⁶³ Muntu! Akwalo amulange mabungano esu sunu, amulange zintuzyonse nzo muyanda, amu cibone. Koonse, ca kalibonya mu buzuba obo, kweelede kuti bakali banakazi babotu. Baalumi bakaba bazike kuli mbabo, baamba makani aakale, kuti baalumi bakaba bazike ncobeni ku banakazi, nkaambo bakali babotu loko, cakuti bakaba bazike. Ba kapanga malende eni, a kukomba. Elyo, amuyeeeye buyo, baka bakomba ncobeni bantu balya maila banakazi buzuba obo. Ayo makani aakale.

⁶⁴ Elyo amweezyanisye eco a sunu. Ncintu nciconya, mukwesu wangu. Baalumi mubwini bakomba banakazi. Baa, mu cisi cesu cini, Muka. Kennedy uyeeyelwa obo ziindi zyobilo, obo Muleli mbwabede. Mbo mbubo. Elyo ikuti na lyoonse waambaula kujatikizya mwaalumi, ikuti na ujisi bbotya mweebe lya mukaintu, nce ncico.

⁶⁵ Elyo lino baamba ceeco kujatikizya kweenzya. Mula bamvwa kabaamba kuti banakazi mbasikweenzya bali kabotu loko. Eco cili lubide, nkaambo Ndila mwaambila kaambo. Billy a Ndime, kukosola eyi United States, a ciimo citaanzi cini, twa kabikka i—i maapu niini mu mootokala wesu, tabuleti niini, a kulemba “mwaalumi” a “mwanakazi.” Elyo ciindi coonse mwanakazi nakalubizy, twa kabikka impa ku lubazu lwakwe; a mwaalumi nakcita bumwi, twa kali kunga twa bikka yomwe ku lubazu lwakwe. Elyo kuzwa mu myaanda yotatwe, eco nco twiita kuti “kulubizya kwabuyanga,” kwakacitwa mu mugwagwa omuya, inga wagambwa. Kwakali banakazi bali myaanda yobilo

amakumi ali lusele, ku baalumi bali kkumi afuka. Pele mulizi kaambo na? Taba jani eco mu nkuta zya busilikali. I musilikani takaangi musimbi mubotu; omwe kuzwa mu cuulu. Walo . . . uyo bweza mweelwe wakwe wa telefooni, pele taka mwaangi. Elyo eyo nje nzila buyo mbo . . . Ta cigambyi kuti bulunguluzi ta butondezyi. Mwabona? Nkaambo, baalumi sunu bali mbuli mbo kwakabede mu mazuba akwa Nowa, ba kotamina malende aa banakazi babotu. Nconzyo. Oh, ma!

⁶⁶ Obo mbo kweelede kuti cakali cibyaabi mu buzuba obo, kukomba mbuli mbo bacita, bakazi, kabali waala beni munzila eyo iikwelelezya. Elyo ikuti na bakali kabotu loko ku cicita kaindi, kwiinda mbo bacita lino, Ndili kkomene kuti Nse kapona kaindi. Amu ciyeeye, obo mbo buti biyo ba . . . obo banakazi mbo bakali kulilemeke mbubonya mbuli mbo bacita lino.

⁶⁷ Amubone, Bbaibbele lyakati, “Ba kalya alimwi bakanywa.” Lino, eco—eco cili kabotu. Masimpe.

“Lukwatano ndwa bulemu.” Ii mwaalumi, mwaalumi uukwata mwanakazi, oyo ulemekwa, oko kwa kaanzwa a Leza. Pele cindi caboola ku mwaalumi naya kubweza mukaintu wa mwaalumi umbi, na kubweza mwanakazi umwi mukubusyi, na mwanakazi umwi oyo kakutakwe makani na nguni, a kutyola cikonke cakwe ca lukwatano, a kucita cintucimwi eco cilubide, ncibi mu busyu bwa Leza. Alimwi Bbaibbele likanana bufuba loko kulwana ncico maningi.

⁶⁸ Lino amubone, Lya kaamba kuti lukwatano, Leza wa kaanza ceeco mu Edeni, pele ncobeni Wa kaatapatila mamambi. Elyo baalumi a banakazi aba, mu buzuba obo, bakeenguluka milao ya Leza, a kulibikkila beni a kucicita, nekuba. Lino, amwezyanisye eco a sunu. Amu cilange. Ikuti na uyanda kubona kuti citima cili muni lya mayake, koyeeya ceeco kabotu acakusakana lino, mbuli Jesu Kristo utakakilwi mbwa kaamba Majwi aya. Mwabona?

⁶⁹ Elyo amubone, Bbaibbele lyakati awa, “Ba kali kalya a kunywa,” mubwini, a banakazi babo babotu. Lino, tula mvwisya kuti eco cili kabotu. Kulya a kunywa, eyo nje imwi ya milao yakunyama ya buumi. Twe elede kucicita. Pele cindi coonse eco canooli mu mizeezo yanu, sunu bantu bakaba basindya, bakolwi, banakazi kabanywa mu maresitiranti. Alimwi koya mu busena oko i—i zyakunywa zikola maningi a zyakunywa zitakoli loko nko zipegwa, banakazi bala bainda baalumi kunywa.

⁷⁰ Jesu wakati, “Mbuli mbo kwakabede mu mazuba akwa Nowa, ba kali kulya, a kunywa, a kukwatisigwa mu lukwatano.” Mu majwi amwi, ba kali kupona a banakazi kakutakwe kukwatana kuli mbabo. A sunu, baa, kwa kaanzwa loko. Bali jisi Reno, kuti inga wa kwata, a kulekana aku kwatululwa alubo, nzyonse mu buzuba bomwe. Pele eyo nje nzila mbo kutagwasyi sunu lino. I—i balumi, bategwa, a bamakaintu, baka bweza

zizaluzyo zyandeene ku twaanda mu madolopo aya mapati. Lino, Ndi leenda. Ndili—Ndili moonya mu madolopo a kuziba kuba bwini, kuti mulumi uli jisi mazuba akwe, a aukaintu ulijisi aakwe. Oh, nci dyobedyobe cili boobo ca—ca kubola, kusikila kwaleta cikama ca—ca nzyalani ikompeme, intolo, imbi, itozya ku gehena.

⁷¹ Ii myaka misyoonto yainda, amulange oko muntu nkwasika, mu mubili wakwe. Amulange oko nkwasika, kwiinda ku zintu nzya kacita. Sayaansi ila zumanana kusola kubamba zyakulya zibotu, mapopwe akatintanisigwa, a—a madeede akatintanisigwa, nyama ya ng'ombe yakatintanisigwa, cindi zintu nozitali kabotu pe. zi jaya bantu, nkabela taba cimvwisyi. Baa, mu myaka imbi misyoonto, taba kabi cintu pele buyo ii—ii cikama mbuli jelifishi.

⁷² Myaka ili makumi osanwe yakainda, misobano ya bbola yakazumanana mbuli mbo bacita lino, nkabela tamuna mvwide umwi wakali cisa, pele lino bajaya banji, na bobilo, a mwaka. Ii bbola iya kuuma muntu, walo, takukwe cintu muli nguwe caku jatilila buumi bwakwe muli nguwe. Uli mbuli bbeba dwiidi. Wa muuma, uli kompeme loko, ula fwide.

⁷³ Cindi Bob Fitzsimmons nakalwana Corbett, Ndi syoma kuti bakalwana kwa ziindi zili mwaanda amakumi obilo amusanu, isikati lyomwe, kakutakwe mipila ku fwaindi. Cindi baalumi abo a kuuma kwa maboko ali boobo bakali kukonzya kutola tuu-kuli-foo, ku mainchi one, a kudikka oko kwa tuu-kuli-foo kakutakwe kusama cintu pele fwaindi zya macuzu. Ba kooneka a maanza abo muli viniga, ku kubamba nfwaindi zyabo kuba ziyumu. Alimwi ii—ii ciindi tee cakali ciniini ku maminiti obilo na otatwe mbuli nco tujisi sunu. Tii baka jisi kubikkwa kunyemfuuka kwa mapepe mu magroovu abo, nkabela taakwe waka jaigwa. Elyo ba kalwana. Ciindi comwe kwakali kwa kuusya. Yebo weelede kuusya muntu ansi. Elyo baka lwana kuusyanya kwa mwaanda amakumi obilo. Ba kali baalumi beni. Elyo sunu balangilwa kulesya ncito ya bokiseni, cindi noba jisi kunyemfuuka kwa mapepe ku maboko abo aku fwaindi zyabo, konzyi kulwana ziindi zyoobilo na zyoatatwe kakutakwe muntuumwi kujaigwa. Ndipenzi nzi? Wa kapangwa kuzwa ku cikama ca, Ta ndizi, cikama cikompeme, cakatintanisigwa buyo, mane nzyalani yoonse ili mukufwa.

⁷⁴ Sena Bbaibbele teelya kaamba boobo, kuti bayo kompama loko a kusongwaala loko? Baa, mu muzundano umbi wabantu uboola, baya kuponena ku misamu ya makkapuso, kunywa makkapuso kuba cilalilo cabo. Tacili cintu cita cikama ca misanga ya tombwe, kunywa mawisiki, kucita zyakunywa zitakoli loko, cikama ca basizitiliba ba madragi atazumizigwi, baliyasa madragi. Bana baniini mu cikolo, a kusunda kwa bakubusyi; ta cigambyi, banyina mu kagwagwa, kulilemeka nzila mbwa cita, kunjizya mwana mu cintu nciconya.

75 Kuvula kwa banakazi babotu; buumi bwabuleya bwaka mwaika. Oh, ma, ino ncintu cipati mu buzuba mbo tuponamo! Obo mbo bacita ceeci, ta ci- . . .kuta subulwa kuli ceeco. Taba kasubulwi kuli ncico. Ino bacita nzi? Mbuli buyo mbo bakacita kaindi, bali mukubamba Milao ya Leza kusabulwa. Leza wakati, “Muta kaciti mamambi.” Pele batondezya kuti inga bacicita, a kuta subulwa kuli ncico. Ba yeeya kuti bataba kasubulwi kuli ncico, pele taba kaciciti. Ndiza ta mweelede kuboola, amusiilile kuli ceeci. Huh? Nekubaboobo, Leza wakaamba kuti eci ciyooba ciindi eco mumuni uusubila nouyo mweka. Jesu wakaamba boobo.

76 Lino ino ii—ii ncibi ncoba cita, a kuseka cibi! Ziindi zinji, kwalo, cintu nciconya eco Bbaibbele eli nco liita kuti bwaamu, inyika sunu iita kuti mbubotu. Cindi wa bweza basimbi besu—besu bakubusyi, a kubasamununa zisani zyabo kuzwa kuli mbabo, a kuba bikka alya kaba samide zibbudula ziniini, mu tulukwe a zintu, a ku beenzya kuselemuka kagwagwa, elyo bayeeya kuti mbubotu ku musimbi mbwa konzya kutondezya mubili wakwe wabwanakazi. Kakuli, Bbaibbele lyaamba kuti ncibi, cibyaabi! Pele inyika iciita kuti mbubotu. Mwabona, bali mukupanga Milao ya Leza. . .A mbungano ta yaambi cintu kujatikizya ncico. Nciindi eco muntuumwi uabuka mu zina lya bululami, mu Zina lya Jesu Kristo, a kubikka cizibyho ali ceeci, nkaambo ciindicimwi tuyo cippeda bwiinguzi ku Buzuba bwa Lubeta.

77 Lino, ikuti na eci cimvwika mbuli cakaindi a ceenzu, kuli umwi, lingula kaindi ku myaka misyoonto yakainda a kulanga eco cicitika lino, elyo mpawo kumvisya ciciza. Kwiina ciindi ciza pele Kuboola kwa Mwami.

78 Amubone, amulange banakazi aba kuciindi ca zambangulwe akweenda kujotaila sunu; amubalingule mbuli mboba kabede. Amulingule eco bana ba Leza ncoba kacita; amulingule eco ncoba cita sunu.

79 Nda kali kkede ku muswaangano mupati kutali ciindi cilamfu cainda, nkabela cakatandila kundi lizya, cindi boonse i. . .Bantubonse bakali kuboneka kubotelwa mubandi wa mukutausi, oyo wakaimvwi aa cibumbili. Elyo Nda kali kkede mu kkona. Alimwi kwakali ii—ii mulindu mukubusyi wakanjila, nkabela waa kasamide bubi loko. Elyo waa kasika keenda kwiinda mu mbungano eyi, mbuli Bbaibbele mbo lyaamba, kusyansyaila mbuli mbwa kali kuunka. A mukambausi aumwi aa cibumbili, kusanganya mbunga, boonse kabavuulusya mitwe yabo a kulanga, kubatobela musimbi oyu. Elyo Nda kayeeya Lugwalo olu, “I bana balombe iba Leza bakalanga ku bana basimbi ba bantu,” basizibi, banakazi babi, beebeka. Oh, ca zapaula mbungano zinji. Ca kagusya Muuya wa Leza. Amubone, “Kalanga ku bana basimbi ba bantu.”

⁸⁰ Lino amuyeeye, Jesu Kristo utakakilwi wa kaamba zintu ezi kuti ziyooba munzila eyi mu buzuba buno. Elyo Wa kati, “Cindi mwaa kubona zintu ezi kazicitika, mpawo munoozi kuti ciindi cili ku mulyango.” Lino, takukwe bantu banji bayo amba ceeco. Kuli bakambausi banji bata konzyi kwaamba ceeco. Na kacita, ikuti na wakali kuyanda. Pele ikuti na wakacita, mbunga niyaka mutanda. Obo mbwini ncobeni.

⁸¹ Pele nceeci cintu comwe. Ikuti na muntu wakaitwa aa Leza, uyo kkala a Bbaibbele eelyo, Ta ndikwe makani eco nca elede kucita. We elede kuyeeya kuti Bwalo Mbwini. Elyo Bwini inga bwa swaanya na kwaangulula. Elyo eci ncencico ncobeni Jesu Kristo nca kaamba.

⁸² “I bana ba Leza bakawa nkaambo ka ziimo zibotu a masyu, aa bana basimbi ba bantu.” Elyo nce ncico ncobeni nco tujisi sunu, cintu nciconya alubo.

⁸³ Lino, amweezyanisye buzuba obo. Kuvuzigwa kwa bantu; banakazi kabaya bubotesya kwiinda; bana ba Leza kabawa; lukwatano a kupa mu lukwatano; twaambo twa kulekana; kuponena mu mamambi; azimwi zimbi.

⁸⁴ “Baa” yebo wati, “Mukwesu Branham, aniini buyo. Ta ndizi.”

Swiilila, mukwesu, kotana buyo kwaamba cintucimwi, swiilila kuli ceeci. Jesu Kristo wakaamba, kuti, “Kufumbwa muntu uulanga mwanakazi caku musukama, wacita kale bumambi a nguwe mu moyo wakwe.” Elyo cindi mwabona. . . Cindi muntu azwa mu ofesi lyakwe, kweenda kuzwa mu mbungano, kweenda kuzwa mu ng’anda yakwe, kuuma kagwagwa, ino ubona nzi cita kutondezegwa, ku mabazu onse, kwa mibili a bulowa bwa banakazi, bakabikkwa ziwa, masyu akalondolwa, bakasunka. Nce ncico Leza nca kaamba kuti ciyo citika. Cindi eco nicaka citika, mpawo ciindi cakali ku mulyango.

“Mbuli mbo kwakabede mu mazuba akwa Nowa, cindi bana ba Leza niba kabona bana basimbi ba bantu, a kotalika kubweza banakazi.” Mwabona? Nceeco we.

⁸⁵ Lino amulangilile. Tu jana kuti, ncintu nciconya sunu. Tula bona mu makani aakale, kuti kukwelelezya kwa nkwele kuli boobo nko baka jisi muli mbabo, kusikila bana balombe ba Leza baka lipangila malende aa banakazi. Ayo nga Venasi, amwi ambi. Mwabona? Balo, balo bakapanga malende, a kukotamina kuli ngawo. Ee, yebo wati, “Mukwesu Branham, ta tujisi zintu zili boobo mbuli ezyo sunu. To konzyi kweezyanisya eco a buzuba obuno.” Amundi jatile. Nda syoma cilaindila kubija sunu kwiinda mbo cakabede kaindi.

⁸⁶ I no tubona nzi? TV. To konzyi akwalo kubweza mutende cita kubona buyo zintuzyonse kuti nkutondezegwa kwa banakazi. Banakazi babotu kabali aa zipakete zya mawisiki zyoonse,

mu mamagazini, bankwela, basamide cabwaamu. Mu TV, muli zyoonse, mbanakazi basamide cabwaamu, umwi mwanakazi mubotu. Elyo tu jana kuti aa—aa kuzibya kwa misanga yatombwe, zintuzyonse nzo konzya kulanga, ula jana kuti mwanakazi umwi uukwelelezya. To konzyi akwalo kubona kuzibya kwa masookesi aa siluki cita ubone maulu amwi maniini, abambidwe bumwi kwiinda muli nkuko. Elyo mbo mbubo. Pele ino ncinzi? Nkaambonzi?

⁸⁷ Nda muyeeya muntu Ngwe kali kubelekela, Chris Meisner, atala awa aa kkona. Bunji bwanu mula muyeeya Chris Meisner. Mukaintu wakwe, Lillian, zina lyakwe wakali Lily, Ndi yeeya kuti, muna Ellwanger. Elyo cindi na. . . I mwaalumi wakasika okuya. Waa kali musimbi mubotu. Elyo mwaalumi wakali kuyanda kujana kuzumizigwa kuzwa kuli bawisi, ku kubikka busyu bwakwe, cifoto cakwe, buboneki bwakwe, aa bbokesi lya maswiiti. Elyo oyu Luther mudaala muna German wakaima ku matende akwe, elyo wa kati, “Obo mbo tusi kuli ndime, ku bikka cifoto ca mwana wangu musimbi aa bbokesi lya maswiiti, kuya kusabalangana koonse ku cisi.” Ino kujatikizya sunu? Kakuli, zikwankwani, televizhioni, zintuzyonse nzo mubona, nzya bwaamu, bubyaaabi, zintu zibyaabi, zilibonya kuba zyankwela zibyaabi. Mbo mbubo. Ino ncinzi? I citima, citima cakaindi—i citima cakaindi cili mu mulongo wa mayake aco lino. I Bbaibbele lya kaamba boobo, uyo boola cakufwambaana loko. Tula mvwa kulila.

⁸⁸ Tu kanana makani a zintu zimbi kujatikizya ncico, pele, amuyeeye, oku nkumweka kumbi, kumwi kwa kumweka oko kumweka kumbele lyesu sunu. Oh, tula bona ciimo ca cisi; tula bona lunyongano lwa tunzenyu; tula bona ciimo ca mbungano. Tu kambauka ali ceeco coonse. Pele eci ncintucimwi cipya. Ngu cintu cimwi citali campuwo loko kubandikwa, pele ceelede kucitwa, nkambo kweelede kuba jwi lilila. Amuyeeye, ngaonya majwi Nge amba sunumasiku ayo ndiswaana kutala ku Lubeta. Mwabona?

⁸⁹ Cindi Ne kabona mwanakazi oyu kutali ciindi cilamfu cainda, mu cilengaano Mwami ncaka nditondezya, kumubona kafwa. Kuti, Nse konzyi kuyeeya zina lya mwanakazi oyo, walo, Marilyn Monroe. Elyo Nse kalina mubona. Nse inki ku zipekupeku. Pele Nda—Nda—Nda kabona musimbi, alimwi waa kali kukwelelezya. Elyo waa kali kusola kusika ku cintucimwi; waa kali kufwa, kajisi kulwanwa kwa moyo. Elyo Mwami wakati, “Lino waamba kuti, ‘Waa kafwa aa foo okuloko. Ta kalijaya.’” Kati, “Pele inga waamba kuti waa kafwa aa foo okuloko, nkaambo nkavwalu buyo kaniini kakutanaba foo.” Elyo mpaawo Nda kabona awo mpo baka mujana. Elyo Nda kaambila Billy, Nda kaambila mukwasyi, abo bakali a ndime, kujatikizya ncico. Elyo mazuba masyoonto akainda, wakali Marilyn Monroe oyo wakafwa.

⁹⁰ Lino, cindi Ne kali mu Canada buzuba bumwi, bana bangu baka zumanana ku ndaambila, kuya ku busena bumwi oko mulindu nkwa katulekela kuba a ng'anda, kajisi cipekupeku. Elyo ba kati, "Kuyooba musobano, uutegwa, I Mulonga Uta Pilukwi." Oyo mulonga Ngwe zelela nswi, ciindi coonse. Elyo Don Smith, mweenzuma wangu, ula bweza lweendo olo. Kati, "Ba kapanga cipekupeku ca ncico." Elyo kati, "Taata, ndiza kuti Ba. Smith bali mu bubambe. Sa inga mwayanda ku cilanga?"

"Ee," Nda kati, "cindi Nda jokela kuzwa ku Canada, ikuti na Nda cikonzya mu ciindi, Ndiyo cilanga." Ee, cindi musobano niwa kasika, Nda kaunka kuyo cibona, kainka kuyo cibona. Elyo cindi Ne kacita, nguni oyo wakali kusobana muli ncico pele Marilyn Monroe. Lino, ngooyo mbwa kabede, nakamana kufwa mwaka na kwiinda, ngooyo mbwa kasamide cabwaamu. Kwakali jwi lyakwe, lyaka cilikulizigwa; alimwi liyooba, kwa myaka a myaka, aa teepu eyo ya magnetiki. Ikuti na eyo teepu ya magnetiki ijisi micito yakwe, cindi ikuti na wakonzya kulanga kuzwa awo mpabede sunumasiku. . . Ndi syoma kuti uli futukide, pele Ta ndizi; eco cili kuli Leza. Pele ikuti na wakonzya kucebuka, ta konzyi kukaka ceeco. Ta konzyi kukaka eci, nkaambo tuli cijisi. Nkunji buti Leza nkwa jisi kweenda koonse, micito yoonse, aa teepu Yakwe mpati yiinda, eyo iyooba. . . Ta tukonzyi kuzwa kuli ncico. Cili mpoonya awo.

⁹¹ Elyo amuyeeye, ikuti na kwakali maikrofooni ikkede mpoonya *awa* mpo cibede, elyo Nda kali kukananina aluwo lino ku inyika, i bantu ku nyika yoonse bayo mvwa jwi lyangu akwalo ka li tana kusika ku cikambaukilo eci kuli ndinywe. Oko kuli mu maelectroniki ya i—i ya inyika.

⁹² Elyo nywebo mulizi, eelyo jwi talifwi. Tali kafwi. Sayansi itaminina kuti, "Mu myaka iili makumi obile," ikuti na bala konzya kusumpuka mbuli mbo bajisi eno, "Kuti bayo bweza jwi lini lya Jesu Kristo cindi Na kali aa nyika, mu myaka ili makumi obilo kuzwa lino." Nkaambo, cili mbuli kulosya bbwe mu ciziba, mayuwe maniini inga amana ku zimaana mu busyu bwako, pele sayaansi itaminina kuti ajokela ku nkomwe yomwe, kulanduka lwizi kuli lumbi, a koonse akoonse, nkabela taafwi. Alimwi naanka alo majwi ngo kanana; ayo kuswana mu Buzuba bwa Lubeta, nkabela ayo kupa mulandu na kukufutula, alimwi toka konzyi kuzwa kuli cimwi ca ncico.

⁹³ Elyo tula tweluka maningi, cila boola moonya kwiinda mu kaanda aka lino, nzifwanikiso zya bantu. Ikuti na to cisyomi, jula aa cipekupeku. Elyo kuli majwi aa bantu, nekubaboobo magano esu taka abwezi.

⁹⁴ Lino, bajisi sitieshioni ya kutumina a poolo ya magineti, na tyuubbu, na gilazi libweza majwi ayo akwaavuzya. Alimwi eno cintu cilikke ca Bbaibbele, nceeci, i Ijwi lya Jesu Kristo eelyo

Ndya kaamba, alimwi Ala pona ncobeni mbubonya mbuli ijwi limbi lili mu inyika sunumasiku.

⁹⁵ Lino, ikuti na moyo wako wasalazigwa kwiinda ku Bulowa bwa Jesu Kristo, a kuba mbali itambula kuzwa ku Mbali eyo ituma, Ngu mbobuca nguwenya, sunu, amuya myaaka, alimwi ulacita zintu nzyoonya Nzya kacita, nkaambo Majwi Aakwe takonzyi kufwa. Bala pona kwalyonse. Ta beelede kubweza kubambwa, na myaka ili makumi obilo kuzwa lino. Twa Ci tambula ndyoonya lino. Lino, mpaawo we.

⁹⁶ Kupona mu buzuba obu bupati mbo tuponamo, mumsi lya kuboala kwa Mwana wa muntu, nkabela mimuni kaimweka koonse, kwa Kuboola Kwakwe. Tula cibona mu tunzenyu; tula cibona mu mbungano; tula cibona mu ciindi; tula cibona koonse nko tulanga. Tula bona zuba tali boneki mbuli mbo lya kabede.

I inyika ili zwide mu bweende bululeme. Bala ndaambila ndyoonya lino, ku Northi Poo, kutala okuya, kuti lwizi lwaba, Nda luba kunji, kusakana kwiinda mbo kwakabede. I Bering Strait, inga weenda ali njiyo. Lino, ngu tukokola tunji, tunji, tunji tusakene, mu Mugelo mupati. Nkaambonzi? I nyika ilimukuzimba akati. Kuya kuba kufwaafwi awa akali alamfu, a kuba alamfu awa akali afwaafwi. I inyika ili zwide mu bweende bululeme cakumaninina. Ili mu kudadalika. Ili mukukuluka. Bulenge boonse bulapa mukati, a zintuzyonse nzo tukonzya kubona.

⁹⁷ Elyo lino, sunumasiku, tu jana kuti bulenge mbubonya bwini buli mukutondezya, mu mukowa wabantu, citondezyo ca Kuboola Kwakwe; nkambo, bana ba Leza, a bana basimbi ba bantu kababa babotu, a nzila mbo bali mukutola banakazi. Ino ndi oora ndyo tuponamo! Oh, ma, a nzila mbo cakabede mu buzuba obo!

⁹⁸ Mpawo tula bona mu makani akale a cintu eci cipati cigambya, ca baalumi kabakomba banakazi, elyo tu jana kuti sunu ni inyika ya mwanakazi.

⁹⁹ Nda kali mu Switzerland, kutali ciindi cilamfu cainda, elyo Nda kali kwaambaula ku . . . Lino, taakwe kulwana banakazi besu Banakristo, peepe, munene, balo ni ngale. Nda ambaula makani a bweende bwa inyika. Kwakali mulindu wakali kweenda a ndime, Mukwesu Guggenbuhi, a mweenzinyina musimbi oyo ngwa kali kweenda awe. Walo mwaalumi kutandila—kutandila mumsi loko ku musela wangu, tana kwata, bbaccela wakaindi, alimwi wa kali kweenda a mulindu umwi mukubusyi. Elyo mpawo umwi wa basimbi kuzwa awo, elyo waa kati, “Mukwesu Branham, twaambile kujatikizya America. Tula mvwisya kuti, banakazi okuya, ni inyika ya mwanakazi okuya, masimpe eeni.”

Nda kati, “Mbo mbubo.”

Kati, “Nda kali kuyanda lyoonse kuunka.”

Mpawo Nda katalika kupandulula kuli nguwe. Waa kati, “Inzi?” Nda kati, “Iiyi.” Ca kacinca muzeezo wakwe mpoonya awo.

“Ee,” waa kati, “mbobuti mbo konzya kupona buumi bwa Bunakristo mu busena buli boobo, mpawo?” Amu ciyeeeye.

¹⁰⁰ Cindi Ne kanjila mu—mu Rome, nkabela ndakali kuselelo ku San Angelo, malyango akuzikkila bafu, cakali kugambya. Cindi Ne kazwa mu hotela yangu a kuselemukila oko kuli busena obo butegwa, “Makkobili Otatwe mu Kasensa,” banakazi mu kagwagwa, mbobali basibwaamu. I banakazi kabeenda amasena akukulomba kubatola ku mazuba amisaalo, misyobo yonse, misela, a bube. Elyo Nda luba na mbangaye bakasika kuli Billy a Ndime a Mukwesu Baxter, katutana konzya kuselemukila ku ciziba, a muntu uzwa ku TWA wakali kutu tondezya konse. Nda kati, “Sena abo banakazi beelede kupona mbuli boobo?”

¹⁰¹ Kati, “Peepe. Cindi basilumamba niba kali okuno, baka zibide kuli ncico. Elyo, nekubaboobo, bali jisi ncito mbotu, nekubaboobo bala zumanana.”

Pele akwalo mu busena mbuli obo, cindi Ne kasika ku kasena ka San Angelo, citondezyo cipati ncobeni okuya, kuzwa ku Vatican, eco cakati, “Ii amubone ku zibya ku banakazi bana America! Akaka amusame zisani kamutana kunjila a kupa bulemu ku bafu.”

¹⁰² Nda kabona musimbi muna America kazwa mu Paris, oko nko cibede, mubwini, cimwi ca ziyanza zyesu cakali kuzwa ku Paris. Pele musimbi oyo waka samide cabwaamu loko, a bawisi a banyina, kusikila bamasooja bakali kubelekela okuya baka tula mapiki a mafocolo abo, a kuzuza atala alya a kulanga aa cilao, ku kulangilila musimbi oyu muna America kainda.

¹⁰³ Tu bamba ciilisyo ca mafashioni. Yakali Paris kaindi, pele lino baboola okuno kuzoiya zisapi, zisofwi cakuubauka kwini. Elyo cisi eci, oko lubukulusyo nko lwazwaa kwiinda, lwa lubapatizyo lwa Muuya Uusalala, a Mwami mubotu Jesu katondezya zitondezyo Zyakwe a zigambyo zya luse, a kukanana mbuli mbo kwakabede mu mazuba akwa Nowa, nkabela mimuni kaimweka kuzwa ku lubazu kuyaku lubazu. Ii Leza ukonzya kubusya mufu kuzwa ku bulo bwakwe; Leza oyo ukonzya kuponya baciswa; i Leza oyo uukonzya kuziba zintu kazitana citika, a kucibamba kulondoka aa ciindi ceelede, ciindi coonse, kakutakwe kukakilwa. Elyo inga wakambauka ku banakazi besu mu America, nkabela balaindila kubija mwaka aumwi. Bombay, Nda amba . . .

¹⁰⁴ Mu Durban, South Africa, oko kwakali basicisi bamwi bali zyuulu zili myaanda yobilo nkoba kabungene ku muswaangano, cindi ca maleele mapati ayo Leza nga kacita. Elyo Nda kabona basicisi basama ngubo bali zyuulu zili makumi otatwe. Banakazi kabaimvwi awo kabasamide cikata ca bulungu bwa mainci

one biyo kulengelela kumbele. A baalumi, kabatasamide zisani, cikata ca foo inchi. Kabali cinswe! Ngubo eyo mpo balede, cikutu campongo; ncobakapegwa, kuli mbabo, cindi nibakali musela umwi wakukomena; elyo mpawo bala pona muli ceeco, koono muli ceeco, kuvumba muli ceeco, a kufwa a kuzikkwa muli ncico, mu cimpati kubusena bumwi.

¹⁰⁵ Elyo Nda kabona banakazi abo, kaba tabikide loko, mane mwanakazi aka tumbulwe muvwanda, kakkede tukokola tuli makumi obile kuzwa kuli ndime. Ta kaunka ku cibbadela. Balo, mwanakazi waka mugwasya okuya aniini, alimwi mu maminiti atandila kuli osanwe caka mana. Waa kanyamuna muvwanda aku mujatilila ku camba cakwe, kutegwa anyonke. Oyo uutasumpukide! Pele cindi niba kabona nguzu zya Leza Singuzuzyonse kaziboola aa mulombe oyo waka penzegwa loko, alimwi akwalo kutali mu mizeezo yakwe iikkwene; elyo wa kabuka mu mizeezo yakwe iluzi, kalumbaizya Leza; basicisi basama ngubo bali zyuulu zili makumi otatwe bakatambula Jesu Kristo mbuli Mufutuli wabo wacigaminina. Ncinzi cakacitika? Mula yeeya, eyo ziindi zili kkumi kukomena kwiinda Pentekoste. Zyuulu zili makumi otatwe! Elyo taakwe muntu . . .

Nda kalangilila banakazi abo a meso angu eni, cindi niba kawida ansi, kazapaula mituni yabo, kupa maumi abo kuli Jesu Kristo. Tii bakazi; antela taakwe nibakalina mvwide Zina Lyakwe, bunji bwabo. Pele cindi niba kawida ku mazwi abo—abo, elyo Nda kababuzya, ikuti na bakali sinizizye kujatikizya ncico, ku caamba, kutyola mituni yabo. Elyo baka tyola mituni yabo. Elyo cindi niba kawida ku mazwi abo a kupa maumi abo kuli Kristo, kuciindi Ne bakombela, nkabela ba kabuka kujoka. Elyo abo banakazi bakali kunga baimikila a maboko abo ansi, mukutaziba kuti bakali cinswe; cakufwamaana buyo Buumi bwa Kristo mbo bwakagumina buumi bwabo, Nda kabona banakazi abo kabavunga maboko abo a kweenda kuzwa mu busyu bwa baalumi. Elyo ikuti na kugumwa kwa Jesu Kristo kuyo cita ceeco kuli sicisi wa ngubo, ino ceelede kucita nzi ku cisi eco cakamvwa Makanimabotu kwa myaanda ya myaka? Mpaawo lino . . . Nda kabona ceeco. Eco tacili ncico muntuumwi umbi nca kaamba. Nda kabona ceeco. Mwabona? Nceenzu mpawo kuti tu liita kuti Banakristo, alimwi mwaka aumwi kugusya kunji. Elyo mabungano aboneka kutabikkila maanu kuli ncico.

¹⁰⁶ Mabambe ama TV, oh, kupanga nyama yabwanakazi a bulowa . . . Tabali tuleza. Tabali tuleza twanakazi. Pele cibikka America moonya mu bweende bwa kuzulizya Lugwalo. Mweelwe wa America ngu theetini. Malende aa America ngu mwanakazi, lyoonse. Uli aa mali esu. Uli aa zintuzyonse. Elyo lino ncobeni cileta mu ciindi eco no tuyooba a kaleza kanakazi kabana America, akwalo, kutali kulaale maningi. Inga wabona bulembo aa bwaanda.

¹⁰⁷ Oh, ino tuyo cita nzi? To konzyi akwalo kweenda mu

kagwagwa a kujana... Amulange mu kagwagwa, katalika kuselemuka dolopo a kubona buyo kutondezegwa kwa banakazi, obo mbo bakalipangila zisani zya kusama kuti, basyomeka ku bubotu, mwanakazi weelede kuusa nsoni kwiima mu kaanda kakwe ka kusama mbuli boobo. Keenda mu kagwagwa, cijata loko, alimwi—alimwi kasamide zisani ziniini zijata. Elyo—elyo kumasena aya akusama zisani zyakusambya a tubbudula otu tuniini twa kusambya, na kufumbwa mbo ba ciita, kuyabuya, a zintu zili boobo mbuli ezyo. Elyo mukutaziba kuti muli mbabo muuya wa bubu. Kakuli, bunji bwabo baimba mu makkwaya. Nce ncico Jesu nca kaamba kuti ciyo citika.

¹⁰⁸ Mubili wa bazyazi! Balo ni nyama a bulowa. Tabali tuleza. Ku muzeezo wangu... Leza kondi jatila ikuti na Ndili lubide. Ngu sikusangabalisa wankwela. To konzyi kupa kaambo ku mwaalumi, ikuti na tali ii—ii Munakristo, pele eco cinga cawa, a kuwida mu masunko a ku busena buli boobo bwa kuti uyo cita cintucimwi cilubide, kusikila walo, mwabona, ta kakonzya kulijata mwini. Kulagambya akuti takucikwe limbi kulalwa kwa kusungilizigwa kucitika, nkaambo, bunji bwa nkuko, banakazi bali mukati kucizumina. Pele, ikuti na tii cakali obo, mbobuti mbo konzya kupa kaambo ku mwaalumi? Bikka butongo kuli kampa.

¹⁰⁹ Ii mwanakazi wati, “Lino, Mukwesu Branham, Ndili buyo mbuli kulilemeka mbuli Mbwe...” Kwiina kuzumbauzya kujatikizya ceeco.

Pele, mucizi wangu, sena ulizi kuti uyo peda bwiinguzi ku Buzuba bwa Lubeta ku kucita mamambi cindi wali tondezya omwini awo nkabela baalumi bakulanga? Wa kati, “Kufumbwa muntu uulanga mwanakazi caku musukama, wacita kale bumambi a nguwe mu moyo wakwe, alimwi uyo cipeda bwiinguzi.” Elyo ndiza toka cita mucito, pele ikuti na wazumizya Saatani kubikka muuya oyo aali nduwe, kakuli, bulenge bwini bweelede ku kuyiisya kuti eco cili lubide! Kakutakwe Muuya wa Leza, bulenge bweelede kucicita, ku muyiisya kuti eco cili lubide.

¹¹⁰ Nda amba kumbele kuti calino bayo zwa a cimwi ca zintu ezi, liyooba buyo tuvu lya mukuyu alubo. Nda kaamba kumbele eco myaka iili makumi otatwe yainda. Mwabona, tusiketi tusi ku Bbaibbele. Mwabona? Bayo cicita. Nkusangabalisa kwabuleya.

¹¹¹ Lino, dyabulosi ulacita nciconya ku bana ba Leza sunu. Elyo mbo mbubo. Amulangilile makwebo esu. Bunji bwa makwebo esu eendelezegwa a banakazi, bunji bwawo. Mbo mbubo. Amulange mabungano esu, amulange cisi cesu, obo bana ba Leza mbo bakotama aansu ku malende aa zintu ezi, banakazi aba. Cindi, bali, kuli ndime, takwe ciindi mbasikuvuulba uyo bantagalala. Eco ncintu cibyaabi ku kucaamba, pele mbwini bwa cinswe. Ndi lizi kuti bantu balamvwa matepeu aya a

zintu, bayo amba zintu ezi. Pele mbobuti mbo konzya kucicita? Ikuti na walitondezya lwako mbuli boobo, nkabela muntu wakulanga, mbuli Jesu mbwa kaamba kuti wacita “mamambi” a nguwe. Elyo cindi oyo mwaalumi naelede kupeda bwiinguzi ku kucita mamambi, nguni waka cicita, ino mbulubizi bwani? Walo mwanakazi wakali samununa mbuli boobo a kulizyala mwini, na kalitondezya mwini kumbele lya sizibi oyo. Mbo mbubo. Ino ncitondezyo nzi? I ciindi camamanino, mumuni uusubila.

¹¹² Butumbu buli tyokede. Masi ali mukumwaika. Lino ikuti na muyanda kubona awo Jesu mpa kaamba ceeco, amubale Matayo 5:28. Awo mpe mpawo mpo cakabede. Buumi bwa banakazi bwakali kaambo a ciimo cakuwa, ali ceeco, nguzu zyankwela zyakaba lunyonyooko. Ikuti na muyanda kutobezya kaindi, ngaaya masi Nge katobezya kuwa kwawo. Cimwi wakali Egepita, Assiria, Rome, alimwi abamwi bambi, bakawa ku nguzu zya banakazi.

¹¹³ Amubone, kwiina cintu Leza nca konzya kupa muntu, kunze lya lufutuko, cibotu kwiinda mukaintu mubotu. Taakwe muntu uukonzya kuumbulizya, taakwe—taakwe muntu uukonzya kuumbulizya mwaalumi cindi na katete, taba kajani muntu uli oonse mbuli mbo bacita mukaintu wabo beni. Elyo ncintu cacoolwe nobakwesu kuba boobo cindi nomujisi bamakaintu banini babotu abo basalala akululama, abalilemeka kabotu, elyo inga wanjila cindi wa katala a kudekela, a kukkala nkabela inga waambaula kuli nduwe. Ula konzya kucita kunji a nduwe kwiinda muntu uli oonse umbi. Mbo mbubo. Ni ngale. Ngu namalelo.

¹¹⁴ Pele amuyeeye, “Mwanakazi wakabambilwa mwaalumi; kutali mwaalumi ku mwanakazi.” I cilenge camamanino eco Leza nca kasola kulenga wakali muntu. I mwanakazi ncipangulule kuzwa ku mwaalumi. “Elyo waa bambilwa mwaalumi; kutali mwaalumi ku bambilwa mwanakazi.” Ba kacicita munzila imbi isandukide, nkabela mwaalumi uwida mu malende a banakazi. Eco cakali cintu nciconya caka talikila ku matalikilo. Eco nce cakacitika ku matalikilo. Cindi mwana wa Leza, Adamu, taka konzya kusunkwa kucita eco cakalubide, Saatani wakasika mu muntu uutegwa nzoka, oyo wakali mbuli muntu. Elyo mpaawo mpo cakatalikila, kuti Eva wakazwa kunze lya Ijwi lya Leza, nkabela eco caka citya kuciswa myoyo yoonse, namaumbwe oonse. Cibi coonse eco caka solwa kucitwa, cakatalika mpoonya awo.

¹¹⁵ Nceeci we alubo. Inzi? Banakazi ba kali kaambo ka kuwa kutaanzi, alimwi banakazi baka gozya ciindi. Waa ka citalika; waa kacigozya. Ta cigambyi Bbaibbele lyakati, “Abo bayo loboka kuzwa ku Zioni bayooba babulemu mu busyu bwa Mwami.”

¹¹⁶ Cindi Isaya 5, wa kaambaula nzila ya kutalilemeka kabotu kwa banakazi mbo kunga kwaba ku mazuba akumamanino, a

nzila mbo bayooba: zisani zinji loko nzoba kajisi, a nzila mbo bakali kunga balabamba masusu abo, a zintuzyonse mbuli ezyo. I Bbaibbele likanana eco, Isaya 5. “Obo mbwa kali kweenda kasamide mabbusu atusindi tulamfu, kucokola matende akwe mbuli mbwa kali kweenda. Elyo waa kali kunga wapeta masookesi akwe, a zintu nzya kali kuyo cita; a bubambe bunji bwakucinca, zisani, azintu mbuli ezyo.” Elyo kati, “Zyooonse ezyo ziyogusigwa kuzwa kuli nguwe, nkabela uyo kkala a kununka, kuzwa ku bwaamu.” Elyo kati, akwalo, “Banakazi bali ciloba bayo kwempa mwaalumi omwe, a kuti, “Tuyo cita mulimo wesu wini. Atu bweze buyo zina lyako, kugusya sampu lyesu.”

¹¹⁷ Pele wa kati, “Ino oyo mutabi muniini wabulemu uya kuloboka zintu ezi! Buyo oba ‘BUSALALI KU MWAMI’ mu buzuba obo,” cindi banakazi beni ncobeni bakazyalululwa niba kaziba busena bwabo, nekubakuti bala sekwa, a kwiitwa kuti bafubafuba a baciyanza cakaindi, zintuzyonse. Pele, kolilemeka mbuli mwanakazi, mbuli mulindu! Koima mbuli mwanakazi! Sama mbuli mwanakazi! Kwaambaula mbuli mwanakazi! Kopona mbuli mulindu. Inzya. Ameni, eco caamba kuti, “akube boobo.” Muta yoowi. Ta cimu nyonganyi. Yaa.

¹¹⁸ Ijwi lya Jesu Mwini lya kaamba eco ciyo citika, oko kutondezegwa kupati.

¹¹⁹ Akwalo Wa kati, “Mu mazuba aa Lota.” Ikuti na muyanda kweengela Lugwalo olo, ngu—ngu Luka 17:28. Wa kati, “Ba kali kulya, kunywa. Ba kaula. Ba kasambala.” Mbuli lyonse, ezi nzintu ziluleme. Pele amulangilile. Elyo—elyo kuti baka kkala, pele baka bikka zyoonse i . . . mizeezo yabo ali ncico.

¹²⁰ Elyo mu mazuba akwa Lota, banakazi bakali uubaukide loko, mu kulilemeka kwabo, kusikila tii bakabelesegeba mbuli banakazi mbo beelede kubelesegeba, pele ba kasandulwa, kusikila ba . . . Ca kaba cizizilwe loko, abo banakazi baba bazizilwe loko cakuti, balo—balo, baalumi bakapona a baalumi. I lupilingano lwa kunyama kuzwa ku maseelo aankwela lwaka cinca busena bwa ndulo, nkaambo abo banakazi bakaubauka loko.

¹²¹ Ii mazuba masyoonto ainda Nda kali kokuya kutala ku, Tucson, kainka kuyo jana cinkwa. Elyo kwakali mulombe waka kkede alya, a balombe bobilo baniini mu mootokala. Aumbi wakanjila, kubweza cikama ca misanga yatombwe. I mulombwana mudaala wamvwi kumutwe wakalanga ansi, kati, “Njiyani misanga yatombwe eyi, banyoko sena?”

Kati, “Peepe, nja mulombe oyo.”

Wa kati, “Sa uli komenede bweelede kuba anjiyo?”

Kati, “Iiyi, munene.”

Wa kacebuka mbuli boobo. Elyo Nda kaliimvwi a cinkwa a cipakete ca mukupa, nkelangilila. Elyo wa kaunka, kati, “Ncibotu,” nkabela wa kacipa kuli nguwe.

Wa kacebuka kuli ndime, a kuti, “Nda cizumbauzya eco.”

¹²² Nda kati, “Ta konzyi kucembaala loko kucicita. Uli loko . . . Ta cembeede kwini ku musela uli oonse.”

Wa kati, “Ndiyo zuminana a nduwe.” Kati, “Sena uli—sena uli jisi ciindi ciyumu kusola ku balesya?”

¹²³ Nda kati, “Nse kabatalisya pe.” Nda kati, “Nse ka citalisya.” Nda kati, “Bazyali bangu bakali kufweba a kubelesya tombwe, pele Mwami Leza waka ndikasya kuli ncico.”

¹²⁴ Wa kanyona a kundilanga ca bweenzu, elyo wa kati, “Ee, Ndi yeeya kuti mause abolede sunu, kubona nzila . . .” Kati, “cakali obo, twa kabikka banakazi mukazila ka bantu.” Kati, “Twa kamulemeka. Twa kasamununa ngowani yesu mu busyu bwakwe. Twa keenda kuselemuka tugwagwa, a balombwana bakali kumvwa muntuumwi kaamba kujatikizya mwanakazi umwi, baka muuma lubayi ansi.” Mwabona? Elyo kati, “Ba kalemeka banakazi.” Pele wa kati, “Munene, banakazi ba cileta aali lwabo.” Kati, “Lino taba nyamuki. Ba kali kunyamuka; mu mootokala wamu mugwagwa, mulindu nakali kunyamuka, mwaalumi onse wakali kunga wasamununa ngowani yakwe aku mulekela kukkala.” Kati “Lino citontela, bbunga!” Kati, “Ba cileta kuli lwabo.” Elyo obo mbwini.

Eco ciziba ca dyabulosi ica Hollywood kutala yaka cileta ku zipekupeku a ma magazini, mane cintu caba mupika mupati ncobeni wa busofwi. Mbo mbubo.

¹²⁵ Ndi lizi kuti takuli kwaamba kwa mpuwo, pele nkwaamba kwini. Bwalo Mbwini. Ndi Ijwi Iya Mwami, alimwi akwalo citondezyo ca lucenjezyo kuteeti Kristo uyo boola mu nzyalani eyi. Kati, “I bamwi babona eci kucitika, taba kalobi kusikila zintu ezi zyoonse zika zulile.” Kati, “Majulu a nyika ziyo loba, pele Ijwi Lyangu tali kalobi.” Nku cenjezegwa. I mumuni uusubila ulamweka; kuloka kwa cisitilizyo. Tuli ku ciindi camamanino.

¹²⁶ Tula bona zitondezyo zya Mwami Jesu kaziponya balwazi, kubusya bafu, kutanda myuuya mibi. Tula bona i—i bantu bakaba musalali a uusalala, kwiinda ku Muuya Uusalala. Tula bona maumi kaacincwa. Tula bona zitondezyo zipati. Tula bona zitondezyo zya maseseke mu milengalenga, mbuli ndeke zyeenzegwa aaba ku manyika aambi. I Pentagon, bunji bwa bantu kaba cibikka aa cipekupeku, kucilemba. Ta bazi ca kuyeeya kujatikizya ncico. Misyobo yoonse ya zitondezyo zyamaseseke! I Mwami Jesu kaseluka mu ciimo ca Musumpululu wa Mulilo, wakakkopwa cifoto Cakwe, kupona akati kesu, kutondezya kuti Ngu mbobuca nguwenya- . . .

¹²⁷ Tula bona zintu ezi zyoonse kazicitika. Tula bona kutontola kwa mbungano. Tula bona kabungwe ka kakomena. “Cindi mwabona musamu wa bukuyu, a masamu oonse ambi kaabikka delema,” ba Juda kababweeda. “I musamu wa bukuyu,” ba Juda kaba jokela ku cisi cabo, cisi cabo cini. Tula bona ba Presbyteria, ba Methodisti, ba Baptisti, ba Lutherani, ba Pentekoste, mabungano oonse, “kubikka matu abo,” *lubukulusyo*. Wa kati, “Amu libambile! Eco nce ciindi.” Cindi twa bona eco kaciboola kucitika, nce cindi Leza natandila kwiita Basale Bakwe. Mpawo cindi mwa . . .

Citondezyo cimbi. Kati, “Cindi mwabona banakazi kababa babotu maningi, cindi mwabona bana balombe ba Leza kali bwezela bamakaintu, a kubweza bamakaintu kuba babo, a kucita *eci*, *eco*, nekuba ii *cimbi*,” kati, “mukazibe kuti eco nceitondezyo.” Mpaawa mpo tubede.

¹²⁸ Lino, cintucimwi cimbi Nce kalemba. Amuyeeye bana basimbi bobilo iba Lota. Iiyi, tula ciyeeya eco, kunselelo mu munzi wa Sodoma. Jesu wakati awa, muli Luka 17, “Mbuli mbo kwakabede mu mazuba akwa Sodoma.” Amuyeeye, kuti, baalumi bakapenzya banakazi munzila eyo kusikila mucito wakunyama ku buumu tii wakacili kuyandwa. Elyo, oh, cila yoosya kwaamba eci kuzwa ku cibumbili, pele eci ngu . . . Kwa kasola kuba Bwini, ceelede kuzwa awa. Elyo nci byaabi loko, sunu, mane kuli makumi aa zyuulu taimuzi zyuulu zya mbabo, kukwiindila koonse, lupilingano, bana Sodoma, mbuli mbo kwakabede mu buzuba obo. Nkaambo nzila ya kubelesya kwa kunyama kwa buumi bwa bantu kuti kabali zyalulula beni aa nyika kwa kapilinganisigwa loko, a kumwaika loko munzila mboya cita, kusikila kuyanda kwa njiyo kuya buyabaala cakufwambaana. Njo amba, mu myaka imbi ili kkumi na kkumi ayosanwe ciyo indilila, kutandila, nzila mbo civula lino.

¹²⁹ Bukanazi bupati. Nda kajisi cintu cimwi kuzwa kuli Edgar Hoover aali eco, pele Ta ndizi . . . Ndali kuyeeya kuti Ndali cijisi cili bikkidwe awa, pele Nse jisi, ca ceeco nca kaamba kujatikizya neico. Elyo lino tu jana zintu ezi. Oh, ma!

¹³⁰ Juda, mu Bbuku lyakwe, liniini pati, Mbwe liita, mu kampango ka 7, atu cibale buyo. Ndi yanda kubala eci. Judi, muli ka 7. Eli ndi Bbuku lya mamanino kakutanaba Bbuku lya Ciyubunuzyo. Nda ceengela awa, Juda 7, kampango 7. Mwaalumi a mwanakazi kabaleta zikonke zya lukwatano, ku zityola, kutobela mubili mweenzu! Amuswiilile.

. . . alimwi *mbuli Sodoma a Gomora, a miinzi kujatikizya njiyo mu cianza cili boobo, kulipa beni ku bwaamu, . . . kutobela nyama nyenzu, . . .* (Mwabona? Oh.) *bwaamu, kaba tobela mubili mweenzu, bali bambidwe ya mikozyanyo, ya kupenga, a kuliya*

nkoto, a mulilo utamani. (Nkokuti, ku nyonyoonwa kumaninina a kuloba.)

¹³¹ Okuno ciindi cimwi cainda, mu Los Angeles, Nda kali kulindila, na kuzwa ku masena aa zivuka. Nda kali kweenzya kutanta mugwagwa. Elyo i—i mulindu muniini, musimbi muniini mubotu, mubotu loko, wakali kuya butanta mugwagwa. Elyo Nda kayeeya, “We elede kuyo tondezya.” Alimwi waa kasamide cikobela ciniini cakumbele, cakali kutandila—kutandila mainchi ali cisambomwe na lusele mumbali kunembo lyakwe, a kakutu kaniini kalengelele ka mainchi otatwe na one. Elyo atala aa mubili wakwe, kasena kaniini, kutandila buyo kunji oko nko konzya kuvukauzya a kujala kabeela konse ka ncico mu faindi yako, kacilengelela atala lyakwe nzila eyi. A ngowani ya simbizi weembela ng’ombe, a majombo obilo a ngalala ali nzizyo. Elyo kukwelelezya maningi, Nda kali kukonzya kubona awo kufumbwa mwaalumi mukubusyi mpa kali kunga watebezya mabbuleki a zintuzyonse, ku mwiimika, kuya bulibbwayaula mu mugwagwa.

¹³² Alimwi Nda kali kuyanda kutozya ku masena azivuka, elyo Nda kainka kutozya ku masena azivuka. Elyo Nda katalika kunyona, kujokela. Nda kayeeya kuti inga Nda ima, kwaamba, “Mulindu mukubusyi, Ndi yanda kukanana kuli nduwe mu Zina Iya Mwami wesu Jesu Kristo. Nekubakuti uli musimbi mubotu, kwiina kuzumbauzya kujatikizya ceeco, nekubakuti ujisi ciiminizyo eco cinga . . . Antela, mu—mu yanda kumvwa mabbuleki kaalila. Sena mula mvwisya kuti oyo muuya ukubamba kucita eco uyo kutola ku gehena ya dyabulosi awo mpo yo penga mu makkalo ayo aciza? Sena mula mvwisya kuti oyo mubili, muniini mubotu wakapangwa, a alo masaya abambidwe kabotu a masusu, azimwi zimbi, a milomo iisalala: ndiza mu—mu myeezi imbi ili cisambomwe tuuka tuyo yavula mukati a kuzwa mu mubili oyo wakapangwa kabotu, abusena awa mu suko; elyo buntu obo bukkala omuya: buzuba, buyooba mu kupenzegwa kwa dyabulosi.”

¹³³ Mpawo cintucimwi caka ndijata, mbuli kuti Leza inga wati, “Ikuti na wacita ceeco, bayo kujalila kunselelo kulaale mu ntolongo.” Mwabona? Nceeco we. Mpawo Nda kabona Billy kayutuka a kutondeka, cakali ciindi cakusika. Nda kabamvwa kabaimba *Kosyoma Buyo*.

¹³⁴ Oh, ma! Mbobuti bantu mbo bakonzya kuloogwa mu zintu zili booboo mbuli ezyo? Nkaambo kakuti bala ubausya Ijwi Iya Leza.

¹³⁵ Elyo cintu cimbi, mbakutausi kunze Iya cibumbili, abo basangene mu tubunga otu, abo bakabala Eelyo aku Li ziba, bala kasigwa kwaamba cimwi kujatikizya Ndilyo, nkaambo bayo tantamuna mbunga yabo kuzwa kuli mbabo mpawo. Elyo mambungano alangila mamembala. Pele Leza ulangila basalali

bakazyalululwa iba Leza muumi, bayo mweka mbuli nyenyeezi. Leza tugwasye kuba uusyomeka a kwaamba Bwini, eco Jesu Kristo nca kaamba. Pele obo mbo buzuba mbo tuponamo. Ezyo nzitondezyo Jesu nzya kaamba kuti ziyooaba, alimwi tula cibona nkoonya kumbele lyesu.

¹³⁶ Amulange lino, a Juda capita 7 alubo, “Sodoma a Gomora.” Oh, ma, ino ncintu cibyaabi! Batakwete ku banakazi, “kabatobela mibili myeenzu.” Ii mwaalumi ukwetwe ku mukaintu wakwe, taba—taba cili bobile limbi, bali bomwe. Elyo mwaalumi uyo zuzila mwanakazi umbi, ula lyandaanya mwini kuzwa ku mukaintu wakwe. Elyo mwanakazi oyo uyenda a mwaalumi umbi, uli fwide ku mulumi wakwe. Waa kaka mubili wakwe wini; waa kagusigwa kuzwa kuli nguwe. Mbo mbubo. Mu Buzuba bwa Lubeta, uyo cipeda bwiinguzi.

¹³⁷ Pele sunu taba yandi kumvwa Mulumbe mbuli oyo. I bantu taba yandi kumvwa Ceeco. Ba yanda kucokwa cokwa mu matwi abo. Mbubonya eco Muuya Uusalala ncowa kandaambila buzuba Mbwe kabikka ciswi cabuyake okuya, kati ku:

Kokambauka ijwi; mu ciindi ceelede, aciindi citelede; . . .

Nkambo ciindi ciyo boola noba taka zumini njiisyo iini; pele ku zisusi zyabo beni bayo . . . gama kuli janina antoomwe bafundisi bali mbuli kuyanda kwa myoyo yabo beni, kuti bababotelwe kubamvwa;

Elyo . . . bayo nyonwa kuzwa ku bwini, kuya kuli zya mankwangwalizya.

Kati, “Cindi cilengaano cazwa, amubale Timoteo Wabili 4.” Kati, “Muta lubi, Timoteo Wabili 4!” Elyo cindi cilengaano nicaka ndisiya, nkeimvwi mpoonya alya aa Kagwagwa ka 7th Street, mulombe wa myaka ili kkumi afuka yakukomena kaimvwi alya, i Jwi lya Leza lya kaamba mu kaanda, elyo Wa kati, “Timoteo Wabili 4.” Obo mbombubo mbo cakasanduka kuba. Mwabona? “I ciindi ciyo boola noba taka zumini njiisyo iini.”

¹³⁸ Bantu bayanda cintucimwi. Iba Pentekoste bayanda cintucimwi cikonzya kubaumauma kusule, a kubalekela kupona nzila njo bayanda. Elyo bala konzya kulizya piano ku matomeno ali makumi one mu kavwalu, a kusotoka mujulu aans, a kuzyana kujatikizya ncico; a banakazi bala cita nzila njo bayanda, a baalumi nzila njiyonya. I muna Presbyteria, Methodist, Lutherani, a Baptisti, kuli bantu banji basinizizye mu tubunga oto toonse. Mbo mbubo ncobeni. Pele eco ciyanza caka baanga kapat, mane bayeeya kuti kufumbwa kuti kaba zulilwa ku mbungano eyo, a zina lyabo lili aa mabbuku ayo, kuti baangidwe ku Julu. Zina lyako mu bbuku awa aa nyika tali kaambi eco kuli Leza. [Mukwesu Branham wanontola tunwe twakwe—Mul.] Zina lyako lyeelede kulembwa mu Bbuku lya

Buumi ilya Mwanaambelele, kwiinda ku Bulowa bwa Jesu Kristo, kuti zibi zyanu zila jatilwa. Mbo mbubo.

¹³⁹ Pele bayanda musyobo oyo. Oyo ngo musyobo wa beembeli ngo bayanda. Taba yandi cintu cimbi. Elyo cindi Leza mu mazuba aya akumamanino waka zungaanya cipego coonse ca Buleza eco caku kulwaizya mu Bbaibbele, cipego coonse eco Jesu Kristo nca kasyomezya, cipego coonse, a zitondezyo zyoonse, a citondezyo coonse ca ciindi camamanino. Zintuzyonse zya kasyomezegwa mu Bbaibbele eli, kuciimo Mbwe konzya kubona, lwangu, zya kazunganisigwa kale kumbele lya cisi, nkabela ula dumpukila ku gehena canguzu mbuli mbwa konzya kuunka. Ku baambila sena? Bayo zumanana, nekuba.

Andi bweze buyo Magwalo ambi masyoonto awa kakutanaba kujala. Yaa. Oh, “Bakabambilwa lunyonyooko Lutamani,” mbo babede, Bbaibbele lilaamba.

¹⁴⁰ Eci cisi cilede mu kubola oku nkukonya. Oku kubola nkukonya kwabuleya, cisi eci cilede muli ncico sunumasiku. Nywebo mulizi obo. Ta kuli kudana. Ta kuli kulimvwa. Bwalo Mbwini. Matalikilo 6:12, “Bantu boonse bakali nyongene, muntu wakeenda mu nzila yakwe mwini,” mu kuyeeya kwakwe mwini, katabikkili maanu milao ya Leza. Eyo nje nzila muntu mbwa cita sunu. Muntu tayandi kumvwa Ijwi lya Leza. Bantu taba yandi ku Li mvwa. Ba yanda kweenda mu nzila yabo beni.

¹⁴¹ Jezebele waakaka kumvwa Ijwi lya Mwami. Ta kali kuyanda kwiita oyo mukambausi mudaala wakali kuboneka kugalankana, Eliya, mweembeli wakwe. Pele wa kali mweembeli wakwe, nekuba. Mbubo. Leza waka mutuma, nkabela wa kasalazya mulumbe wakwe. Nekubakuti takayiide, ta bazi oko nkwa kazwida na oko nkwa kaunka. Wa kasika aa cilao a Ijwi lya Mwami. Wa katuma mulumbe wakwe, oyo ngwa kakambauka, alimwi wa katapatila zintuzyonse zyakaliko, zitegwa cibi. Kutu, oyo Jezebele wabusyaasunu, waka vumba a kulowa bantu kuni lya bulozi bwa inguzu zyakwe kusikila cisi coonse caka nyongana, elyo Eliya wakaima alikke awo aa mulundu. Leza wakati, “Eliya, ta yeeyi ceeco. Ndi jisi bali zyuulu zili ciloba kumusanza okuya abo basyomeka mu moyo, akwalo.” Oko nkukwelwa kwakwe kwabili, alimwi kumwi kwatatu, kwaka bajokela.

¹⁴² Pele amuyeeye, Leza wakali siluse, alimwi Wa—Wa... Elyo mulumbe wa Eliya waka tapatila nzyalani eyo iitasyomi. Mulumbe wa Nowa waka tapatila nzyalani eyo, a kuleta lubeta ali baabo baakaka kuumvwa, a lwaanguluko kuli baabo baka cisyoma. “Elyo mbuli mbo kwakabede mu mazuba akwa Nowa, mbubonya mbo kuyooaba mu kuboola kwa Mwana wa muntu.”

¹⁴³ Matalikilo 6, kutabikkila maanu ku milao ya Leza! Ba lati, “Milao ya Leza?” Ijwi lya Leza lilaamba, sunu, kuti, mu Bbaibbele...

Lino amuswiilile, Ta ndaambi eci ku muntu oonse mugame. Ndi jisi buyo mulimo, mbuli munyoko. Ndi jisi mulimo waku mwaambila Bwini boonse, mbuli Musalali mupati Paulo mbwa kaamba kakutanaba kuzwa kwakwe, “Nse leka ku mulungulwida luyando loonse lwa Leza.”

¹⁴⁴ Lino, Bbaibbele lilaamba, sunu, kuti banakazi ta beelede kugela masusu abo. Ta ndikwe makani na mbangaye bakambausi baamba kuti eco cili kabotu; cili lubide. Ta ndikwe makani kuvula kwa mabungano aa ciiminina; Bbaibbele li caamba kuti cili lubide. “Alo mause kuli nguwe kucita boobo.” Pele bala zumanana kucicita, nekuba, kuyabuya. Ino bacita nzi? Mu mizezo yabo beni, kulibamba lwabo beni kubota, bayeeya kuti mbabotu.

¹⁴⁵ Ijwi lya Leza lila cenjezuya, ta kaciti zintu ezi. “Ta kasami cikobela, na cicenge, na kufumbwa cintu eco cikozyanya ca mwaalumi,” pele ula zumanana ncobeni mbubonya buyo. Kusola ku mulesya.

Kwaamba, “Ino uongolola nzi mpawo, Mukwesu Branham? Ncinzi nco zumanana? Baa, bantu mbuli mbo botu ikuti na inga wa . . .” Ta ndikwe makani, eco. Ta ndikwe makani eco bantu nco bayeeya. Lino muta ndimvwi buteelede. Pele Ndi yandisya muli ceeco Leza nca yeeya, alimwi *Eli* ndi Ijwi Lyakwe.

Inzya, yebo umwaambile kuti cili lubide kucita ceeco, uyo zumanana ncobeni a kucicita, nekuba. Mwabona? Nkaambonzi? Banakazi muli boonse Kristolyeendelezuya bala cita zintu ezi, nkabela mbungano tai boneki kubamba kufumbwa cintu kujatikizya ncico. Nkaambonzi cili obo? I bana ba Leza bawida ku cisusi ca mubili a bulowa bwa banakazi, a kukaka Leza nguonya a Bulowa obo bwaaka baula, ku baandaanya kuzwa ku zintu ezyo zisofweede. Amen. Obo Mbwini. Aboobo kondi gwasya Leza, bwalo Mbwini.

¹⁴⁶ Kusola ku mulesya. Muyeeya kukambauka kwa Nowa kwaka jisi cisinkila cimwi? Peepe, munene. Pele ino ncinzi? Ndi jwi, ii Jwi. Elyo cindi toonse twaitwa ku Lubeta, nguonya Mulumbe oyo Ngwe kambauka, sunumasiku, uyo ndiswaana nkoonya okuya, Ijwi ku Ijwi. Elyo mpawo ncinzi ncoya kucita?

¹⁴⁷ Nkumweka kwa Mumuni uusubila, bali antomwe aciindi, bayumu mitwe akati ka banakazi. Tuyo. . . Tuyo bikka buyo eci, nkaambo ka ceeci mukuba banakazi. Elyo mulagambwa kaambo Nce kaongolola lyoonse kujatikizya ceeci. Lino Ndiyo bikka, kujana Magwalo manji—manji aka bikkwa awa kakutanaba kujala, a ku mutondezuya kaambo. Elyo nke kaambo Nde elede kukkala cakusyomeka ku Ijwi eli, nkabela mulanda oonse wa Leza weelede kukkala cakusyomeka ku Ijwi. We elede kukkala, nkaambo kweelede kuba jwi abusena bumwi kalilila kuli ndilyo. Ta ndikwe makani eco bamwi babo ncoba cita; to jisi bwiinguzi kuli mbabo. Ula ingula mbuli mugame. Yebo toinguli mbuli

muna Methodisti, yebo toinguli mbuli muna Baptisti, na muna Pentekoste. Ula ingula mbuli mugame, kuli Leza, ku buumi bwako bwini.

¹⁴⁸ Elyo tula bona zitondezayo ezi, elyo nekubaboobo bala zumanana kucicita. Ko mwaambila kuti cili lubide, kubona eco ncaamba. Bayumu mitwe! Nce ncico ncobeni Eva nca kacita. Eva wakalizi kabotu kwiinda kucita ceeco. Sena waa kacita? Waa kajisi Ijwi lya Leza. Kati, “I buzuba mbo muyoolya kuli nguwo, buzuba obo muyo fwa.” Ee, nkaambonzi nca kacicita? Waa kali kuyanda nzila yakwe mwini. Elyo nkaambonzi banakazi ncobayo gela masusu abo; nkaambonzi banakazi nco bayo sama zisani ezi, a Bbaibbele ka lyaamba kuti sena eco nce ncico cini ncobeelede kucita? Elyo cintu ncoba cita, boonse bakapegwa mulandu. Mbombubo ncobeni. Pele nkaambonzi nca cicita? Uli jisi lwakwe mwini. Iiyi, munene. Uyo oba a nzila yakwe mwini. Elyo mbungano tayaambi cintu kujatikizya ncico. Elyo mbungano yeelede kuba Nabwiinga wa Jesu Kristo, a kutaamba cintu kujatikizya ncico.

¹⁴⁹ Ambila umwi wabo kujatikizya ncico, mulizi eco nco baamba? Mu kunji loko kwa kwaamba, “Taakwe Bbaibbele lyakaindi liyoima mu nzila yangu kuzwa kukuba a kusabulwa kumwi.” Lino mbo mbubonya buyo. Wa baambila kuti kuli lembedwe mu Bbaibbele. Oh, inga tii baamba majwi ayo, pele nce ncico ncoba tondezya.

Sena mwakasola kumvwa kaambyo kakaindi, “Micito ilakanana maningi kwiinda majwi”? Ee, mpawo, ila cicita na? Micito ilakanana maningi kwiinda majwi. Takukwe makani eco nco wamba, buumi bwako—bwako bula kanana maningi kusikila taba konzyi kumvwa bumboni bwako. Mbuli mbo Nda amba cifumo cino, kusotoka buyo mujulu mbuli mbo pona. Mwabona? Micito yako ikanana maningi kwiinda majwi ako. Elyo inga akwalo waboola a ku caamba, nkaambo majwi abo eni ala kanana. Majwi aako—aako, takukwe makani mbo cibede, micito yako ilakanana eco—eco mbobede.

Ikuti na waamba cintu cili coonse candeene kwiinda mbobede ncobeni, caba kuupaupa. Jesu wakati, “Nywebo basikuupaupa! Mbobuti mbo mukonzya kwaamba zintu zibotu, kakuli kuzwa u moyo nko kananina, mulomo ukanana cizwida ku moyo?” Mwabona, bakali kwaamba cintucimwi ncoba taka sinizizye.

Elyo banakazi aboobo, nku caamba, oh, ma, “Kuba a kusabulwa kwangu.”

¹⁵⁰ Ncinzi cicitika? Kuzwa ku lukwatano . . . Mboobu busena bumbi mu Bbaibbele. Kuzwa ku lukwatano kuunka cikonke, “amuswiilile.” Huh! Amuswiilile? Huh! “Ii sikubamba ku muunzi, kakomwa, wa milimo mibotu.”

Ula seka ku busyu bwako akuya ku cisyango ca musili, ofesi lya muntuumwi. “Mulumi wangu...” Inzya. Oh, Nda cizumbauzya eco.

Ikuti na ezi zya sungilizya sunu, sampu lili boobo, amubikke banakazi mu mpi ya basilikali. Ikuti na eco tacili caando ca—ca kulilemeka bubi akati ka dolopo lili lyaonse! Mbuli bamaalumi banji kaba tajisi ncito, nkabela baka bikka banakazi omuya, kakuli Bbaibbele lyakati weelede ku “kkala ku muunzi a kuba sikubamba uusalala ku muunzi.” Pele ula bamba mabbuku oonse aa simalela, a ako, awalo. Iiyi. Mbo mbubo.

Nse ka nanini kujatikizya banakazi babotu lino. Nse cifusili kuli ndinywe nobanakazi abo banakazi banaleza ncobeni. Leza amu longezye. Eco cili aa teepu, na kufumbwa kumbi.

Pele Nda ambaula makani, awo mpo mujana omwe mbuli oyo, mujana bali myaanda ili kkumi ayosanwe nzila imbi. Taba kaswiilili ku Ijwi. “Kobamba Bbaibbele lyako! Ko Li kambauka kuli lwako. Ta tuyandi ku Li mvwa.” Amuswiilile? Oh!

¹⁵¹ Inga waamba eci, “Ko ambila twaano twako twa Bbaibbele ku muntuumwi umbi. Bamba Leza wako ku muntuumwi umbi, akundi siya endikke. Ino ncenzi ncoongolola kuli ndime? Nse kakulomba kwaamba zintu ezi.” Ndi lizi, pele Leza wakacita. Mwabona? Aboobo kwa mana.

¹⁵² Aboobo bacibisya munzila. Mbubonya mbo bakacita mu mazuba aa Mwami, mbubonya buyo mbo bakacita mu buzuba obo, mbubonya mbo bacita asunu, mbubonya buyo. Ta cina cina. Ta cicinci pe. Ta cika cinci.

¹⁵³ Kusunda kwa bakubusyi kumalekelo kwakajata bana bakwe. I ntolongo yabweza cibeela ca banakazi a baalumi, a gehena yabweza cintu coonse, mbo mbubo ncobeni, kumalekelo kubamena boonse. Alimwi kukambauka kuboneka kuta mvugwa kuli mbabo. Taba swiilili kuli Nkuko. baya kuba zyabo... Inga wa baambila kuti Bbaibbele lyaamba *Ceece*. Ba lati, “Kobamba Bbaibbele lyako. Tu yooba a kufubaazigwa kwesu.”

¹⁵⁴ Nda konzya kumvwa bamwi banu bacizi kabaamba lino, ndiza kutali baliko ncobeni, pele kumumvwa kwaamba, “Nguni, mebo kuswiilila mulumi wangu? Huh! Nda mubamba kundi swiilila.” Pele mpaawo mpo lubide. “Kukkala ku ng’anda, kukomwa? Ta ndikwe makani eco Bbaibbele nco lyaamba kujatikizya ncico, amu ndileke endikke!” Swiilila, mucizi, eco tii cakali mo mukati, kaindi mu Makkalo aa Musinze, eelyo ndi jwi lya sunu. Eco tii cakacitika kaindi loko mu zambangulwe pati, cila citika asunu acalo. Eco nce cintu nciconya.

¹⁵⁵ Alubo ba lati, “Ndili mwanakazi wasunu. Ndi kkala mu America.” Ee, eco tacili cintu ciinda mbo ponena mu caanda ca ngulube. Inga tii cabamba lwandaano noluceya kuli Leza awo mpo kakkala. Uli obo mbobede mu moyo wako. Mbo mbubo.

Elyo uta yeeyi, mucizi, kuti uli wasyaasunu maningi, kuti uli umwi wa banakazi aba basyaasunu, mbuli mbo yanda kwaamba sunu. Yebo uzwa kulaale, kweendelana ku Bbaibbele eli, mu makkalo aa musinze, mu ciindi ca zambangulwe. Mu ciindi ca Nowa, nce cindi niba kacita cintu nciconya. Aboobo toli syaasunu maningi, akwalo, mbobede na? Mwabona? Eyo nje nzila mboba kacita mu inyika ya zambangulwe. Mwabona? Eyo nje nzila mbo balilemeke sunu, aboobo kweelede kuba bukkalo bwa musinze alubo, kaindi mu mudima mupati kwiindilila.

¹⁵⁶ Elyo yebo mwaalumi uyo lekela mukaintu wako kucicita, ta mucili bana ba Leza. Peepe, ubaanga wawida mu Sodoma, mbo mbubo, kulekela banakazi ku mweenzya koonse. Oh, ma!

¹⁵⁷ Ta ndizi na kwaamba ceeci na pe. Ncibotu nda ceenguluka cibeela eci. Pele, ncibotu. Eci ncibyaabi, pele koonse ku bukkalo obu mbo tuponamo. Mula bona mumuni uusubila kauzumanana, kaumweka sena?

I mweembo wa Mwami uyo lila, nkabela ciindi
tacikabi limbi,
Elyo cifumo ciyo pasuka Butamani, bumweka
a bubotu;
Mpawo basale Bwakwe bayo bungana (kuzwa
ku bulongo bwa nyika) kuya ku Muunzi wabo
kwiindilila mulengalenga.

Oh, ino buyooba buzuba bulubuti! Yaa. Oh, iiyi!

¹⁵⁸ Amujoke ku Sodoma. Muta pengi, kuli I bbomba lilindila ku yi salazya konse, mbo mbubo, kusalazya inyika yoonse. Liyo cicita. Elyo mpawo iiyoo bukulusigwa bupya alubo, mubonya mbuli mbo twa kabona kungsi Iya Cinamatizyo Cacicambwela, nkaambo ka nkamu ya bantu bakanunwa abo batambula Mwami Jesu, abo baba Banakristo, abo bakasambala mapakasyo abo a ziyanza zyabo zya inyika eyi, alimwi bakasika kuli Jesu Kristo, a kulanga kuli Nguwe nkabela Walo biyo balike; mu bubombe Bwakwe, bubambe buubauba, ku kuboola a ku Mu syoma, a kutambula Buumi Butamani. Elyo ikuti na waamba kuti ujisi Buumi Butamani, nkabela kotazuminani a Bbaibbele eli, buumi bwako butamani tabuli Buumi Butamani obo Leza mbwapa. Wa kacengwa, kwiinda ku lufu, a kutali ku Buumi. Mbo mbubo.

¹⁵⁹ Lino, oh, “Muyooewe Leza a kubamba Ijwi Lyakwe, nkambo oyu ngo mulao uuzwide.” I mimuni iisubila ilamweka, nkabela ciindi cili afwaafwi. Mbuli mbo kwakabede mu mazuba akwa Nowa, mwabona, baka bweza cintu ciluleme a kucisandula. Ba kabweza kalya, alimwi ba kabweza kunywa, alimwi baka bikka kuyaka, alimwi baka bikka zintu ezi zyoonse zimbi, a ku cisandula. Lino, Jesu ulangila ndiswe ikuti tuyake muunzi, mwabona; pele amulange buyo eco caka citika muli ceeco. Kulya, Walo ulangila ndiswe kulya, mbo mbubo; amulange eco caka

citika muli ceeco. Kunywa, tu langila kunywa maanzi esu a kufumbwa nco tweelede kucita; pele, mubusena bwa ceeco, baka cibweza muli zya kunywa a zikola, a zintuzyonse, a zikola, kabaleta banakazi babo mukati. Mwabona?

¹⁶⁰ Elyo ino kujatikizya kuvula kwa mweelwe wa bantu, sa kuli mbuli mbo kwakabede mu mazuba akwa Nowa? Ino kujatikizya bweebesi bwa banakazi kuya buvula cakuzumanana, kwiindila akwiindila? Mwabona? Mumuni uusubila!

Ino kujatikizya ciindi banakazi nobayo boola, cindi noba yooba nzila mbo bakabede, “basikainya, basikulisumpula,” a zintuzyonse, teebe akonzya kubaambila cintu? Amu kambauke Ijwi kuli mbabo, bayo zumanana ncobeni kucicita nekuba. Mwabona?

Ncinzi ciyo citika? Mbubonya buyo mbo kwakabede mu mazuba akwa Nowa. Buzuba bumwi, mulyango wa luse uyo jalwa. Mpawo Lugwalo lwaamba kuti, “busena busalala bwaazula busi,” eco caamba kuti Sikukombelezeyo wa kazwa kuli mbubo. Elyo kufumbwa kuti Kabelele ka kacili kusule okuya. . . Mbuli Mbwe amba cifumo cino, na kubusena bumwi Nda kali kukambauka, kuti, kufumbwa kuti Kabelele kali kokuya ku kubamba nkombelezeyo, kucili luse. Pele ino nkaanzambwene nzi nko tujisi, cindi twa bona citima cili kale mu busena bwa mayake, cindi twa bona Kuboola kwa Mwami, sena nkumweka kwa mumuni?

¹⁶¹ Obo Mbwe konzya kukanana zintu zyandeene mbuli mbo tuzi kuti Wa kasyomezya kucita okuno ku mazuba aakumamanino, elyo tula cibona nkoonya kumbele lyesu. Elyo mpawo tula bona wesu. . . ciyo eci sunumasiku, ca mumuni umbi uusubila kaumweka, kuzumanana akati ka banakazi besu, a zintu munzila mbo bacita. Tula cibona ka citondeka, acimwi—acimwi cikwankwani ca maile, zintuzyonse, nyeleti zyoonse, kkampasi yoonse, ili bikkidwe kugama ku Kuboola Kwakwe. Tuli ku mamanino. Taakwe cintu cimbi eco Nce zyi kucitika pele Kuboola kwa Mwami.

¹⁶² Elyo mpawo, mweenzuma uyandwa uli anze lya Kristo, ino uyeeya nzi kujatikizya ceeci? Sa u yaamina biyo. . . Cakusyomeka, mweenzuma, Ndi yanda ku kubuzya mubuzyo muubauba biyo. Sa u yaamina buyo ku kunyanyamukwa kumwi kuniini nko kajisi, na kumwi, ndiza, cintucimwi nco kajisi? Ndiza waka kkomana ciindi cimwi a kuzyana ku busena boonse, mbuli bantu banji babusalali aba Pentekoste, aba Nazareni, a Pilgrimu Holinessi. Ba syoma kuti na inga bajana kkomana bweelede ku kuzyana, kuti nce Ncico eco. Elyo mpawo kugela masusu anu, kusama tubbudula? Sena Muuya Uusalala inga waku bamba kucita ceeco, kakuli Ula citapatila mu Bbaibbele?

¹⁶³ Ino kujatikizya ndinywe nomuti, “Ee, Ndi zulilwa ku mbungano. Ndili muna Pentekoste. Ndili muna Methodisti,

na kufumbwa Mbwe bede. Ndili cizo! Baama mba membala ba mbunga ka mbungano. Nda kali membala wakabunga”? Elyo ngu wonya muuya uli ali nduwe uku bamba kucita zintu ezyo Bbaibbele eli nzoli kupeda mulandu kuli nduwe kucita. Mwabona?

Yebo wati, “Nda kaambaula mu myaambo, Mukwesu Branham. Lino, uta jatilili ali ceeco. Nda kaambaula mu myaambo, nkabela eco nce citondezyo ca Muuya Uusalala.” Ikuti na buumi bwako . . . Ikuti na ucikonzya kugela masusu ako, ikuti na ucikonzya kucita zintu ezi Bbaibbele nzo lyaamba kuta cita; tanga waamba mu myaambo buzuba boonse a masiku, nkabela tacicili cintu citakwe cakucita a Leza. I musamu ulazibwa ku mucelo yawo.

¹⁶⁴ Ndiya bucembaala. Ndi lizi obo. Buzuba abuzuba Ndi jana kucisa kupya akuciswa. Umwi aumwi wesu ulacita. Inga akwalo waamba bwini. Nda kayeeya, “Leza, ta ndilekeli . . .”

Cimwi ca zintu zisampaukide maningi, nku bona mwaalumi na mwanakazi oyo uutana tambwide Kristo, a kupona membala wa mbungano yakaindi ya mossibbakki, silunya kwinda Saatani mwini, a ku mu bona okuya, akucisa cintucimwi cakale, “Ee, Nda mwaambila, Nse syomi muli cimwi . . .” Leza, taka . . . Oyo ii—oyo ii . . . Oyo musyini mubyaabi loko oyo Saatani ngwa konzya kusamika a buumi. Ii mwanakazi ugulumene mucembe, wakali kutandila myaka ili makumi ali cisambomwe na makumi ali ciloba yakukomena, a mafuta kaalengelela kungsi lya maboko akwe, a kusutana koonse ku busyu bwakwe, a masusu akwe kaageledwe, mu mibala yone na yosanwe yandeene, akuli samununa mu tubbudula tuniini; ikuti na oko takuli kusamikwa musyini wa Saatani, Nsenza cibwene, na mwaalumi umwi mudaala uubilingene.

¹⁶⁵ O Leza, Ndi lizi Ndi . . . Ko ndipa luzyalo kuta tongauka. Elyo Ndi yanda buumi bwangu, Mwami, Ndi yanda buumi bwa bantu bangu . . . Leza, kopa kuti buumi bwesu bukonzye kusamikwa musyini, takukwe makani na twa penga, kufumbwa cicitika, mbangaye ba ndilwana.

Ndi lizi cintu eci comwe mu buumi bwangu, mbuli Mbweya bukomena maningi, beenzuma, kalonga kunze lyangu, kaya kumana calino, kuyabuceya a kuyaceya loko, mbuli Mbwe selemuka mugwagwa. Elyo Ndi lizi cintu comwe, ciyo boola kucitika kwainda kaindi kuti takukabi muntu uyo boola kuli ndime a kwaamba . . . kundi lomba kulaililwa. Abo bandizi mu mazuba angu akubwana bano unkide, ikuti na Njo pona. Beenzuma bangu banooyabuceya akuya buceya loko, mbuli Mbweya bukomena lino.

¹⁶⁶ Elyo Ndi lizi kuti buzubabumwi Nde elede kufwa. Ndi langila kuti leza taka lekeli Saatani kundi samika musyini mbuli muntu wakaindi sikancimwa, ubbalangene, a mukaintu

wangu mbuli mwanakazi uupenzya, na mukaintu wako, na yebo munzila eyo. Nda komba, mukwesu, kutegwa maumi esu aka samikwe misyini ijisi micelo ya Muuya; luyandisyo, lutangalo, kukkazikamoyo, buuya, lukakatilo, Bwini, lusyomo, mu Muuya Uusalala.

¹⁶⁷ Buumi bwangu buya kuceya. Kutandila myaka ili makumi otatwe ayosanwe yakainda Nda kaima mu cikambaukilo awa, mbuli mulombe muniini. Sunumasiku Ndili mudaala, wamvwi mu masusu, a lubala aa mutwe, makuko adiimene; Nda kafumukwa. Buumi bwangu buya bumana, nkabela tutali tuya bubola mpo Nde endela. Mbuli Mbwe selemuka kalonga, beenzuba baya buceya loko. Elyo kwaitinda kaindi ciyo boola ku busena, ndiza, awo Mpe—Mpe takabotelwi nyimbo mbuli Mbwe kali kucita; alimwi ambweni bazukulu bangu, bana bayo elela kwaamba kuti, “Muta bambi syanene kulibilika.” Inga casika kuli eco ikuti na Nke ci pona.

¹⁶⁸ Mpawo Njo selemuka mane Nse kakonzyi kunyamuka kuzwa mu cuuno cangu. Mpawo cifumo cimwi sikunku uyo boola mu kaanda, Njo enda atala lya munyinda, ku lufu, kuboola kuzo ndibweza. Walo ukonzya buyo kundi bweza ku janza a kundi sololela koonse kuya kuli Simalela wangu. Tali sikweenzya muzike wangu. Nseli muzike wakwe. Walo muzike wangu. Kristo wakazunda lufu nkambo ka ndime. Elyo cintu comwe biyo nea konzya kucita, nku ndikwelela mu Busyu bwa Mubumbi wangu, “Cindi eci cilao canyika camwaisigwa.”

¹⁶⁹ I ciindi mutumbu nali bambila kuba a muvwanda, nywebo mwabona, Ta ndikwe makani obo mbwaakali silunya, a nzila mbo caamba. Nywebo mulizi, kaindi kaniini muvwanda katana zyalwa, banyina balaba sibuyya. Nkaambonzi cili obo? Cindi yalo milambi miniini ili mu zyalilo eelyo noikulauka a kusotauka mbuli obo, kuli mubili wakujulu ulindila nguwe. Elyo cindi azwa kuli banyina, dokotela na sikutumbusya, kufumbwa mbwabede weeleda ku mubweza a kumuzungaanya, ku muuma lubayi, ku muzungaanya, na cintucimwi, elyo mpawo ula jata kuyoya kwa buumi. Elyo muuya muniini wabwangelolo ulanjila muli nguwe, kuyoya kwa buumi, nkabela waba buntu bupona. Elyo cindi twa nojisi Kristo mu moyo wesu, alimwi Kristo waba kasimpe mu moyo wesu, walo muvwanda muniini. “Ikuti na eci cilao canyika camwaisigwa. . .”

¹⁷⁰ Jesu wakati, muli Johane 14. Mu kujala, Njo amba eci. Wa kati, “Muta lekeli myoyo yanu kupengaana; ikuti na mwakasyoma muli Leza, kamusyome muli Ndime. Nkambo, mu Bwami bwa Taata Wangu kuli zilawo zinji. Ndiyo unka akuyo mu bambila busena.” Cindi cilawo eci caansi camwaika, tuli jisi comwi. “Ndiyo unka akuyo mu bambila busena, kuti oko Nkwe bede, a nywebo mukabeko.” Kuyanda kuba a Nguwe.

¹⁷¹ Mpawo Ndi lizi mbuli mwana oyu muniini mbwa lilila

kuzyalwa kupya kuli mukupangwa, cindi buumi boonse bumbi bwa mwaika, buumi boonse bufwika a zintu zyoonse zyamana, mpawo ciyo tola cintucimwi ku nditola, nkabela citola lufu. Lufu lukupa kunyongana, cindi lwa kuuma, pele lukuzyala buyo lwabili mu Bwami bupya, kutala ku lubazu lumbi oko kutakwe kuciswa, buusu, kwiina kucembaala, na cintu. Leza kotu gwasya.

¹⁷² Obo, mweenzuma, sa inga wasola kufutatila cintucimwi mbuli ceeco, mukubona kuti kwiina bulangizi mu inyika, kunze lya Jesu Kristo? I mimuni iisubila ilamweka.

Masi alimu kumwaika, Israyeli ilimu kusinsimuka,

I zitondezayo ezyo Bbaibbele nzolya kasinsima;
(Banakazi kugela masusu abo, kusama tubbudula, mumuni uusubila uli mukucitika, mwabona.)

Mazuba aa Bamasi akkwana, a buyumuyumu buyoosya;
“Amubweede, O nomu mwaikide, kuya mwanu.”

I buzuba bwa lununuko kwaswena,
Myoyo ya bantu ili mukuwizuka nkambo ka buyoofu;

Amu zuzigwe a Muuya, a lampi lyanu lyapukutwa a kubalama,

Amu lungumane! Lununuko lwanu lwaswena.

¹⁷³ Nda Mu yanda. Ndi yanda kuti mu Mu yande. Elyo mbuli mbo tukotamika mitwe yesu kwa kaindi kaniini, mu ijwi lya mupailo, mu kujala. I mimuni iisubila ilamweka. I cizibyo cili mukucitika. I Kuboola kwa Mwami kuli afwaafwi. Ula kanana ku masi. Ula kanana ku bantu. Ula kanana kwiinda mu zitondezayo a zigambyo. Mbuli mbo twa kabweza Sodoma a kutondezaya nzila obo Angelo mbwa kaboola kuli Abrahamu, zitondezayo Nzya kacita kakutaninga buyo kuwa kwa mulilo, tula zibona ezyo.

¹⁷⁴ Wa kati, “Mu mazuba aakwa Lota, ba kayaka, ba kasambala.” Amu cilange sunu. “Elyo mbuli mazuba akwa Nowa,” banakazi kaba ebeka loko, bana ba Leza kabawa, mubili wabantu kuukombwa mu ciimo cabanakazi, a zintu ezi zyoonse zicitika, ezyo nzyo twa ambaula sunumasiku. I mimuni ulamweka, Kuboola kwa Mwami kuli afwaafwi. Sena ucili membala buyo wa mbungano?

Sa uli masimpe, mweenzuma wangu? Mbobuti mbo ziba kuti uyo pona masiku oonse? Amulange Mukwesu Way wiimvwi awa cifumo cino, mu kaindi kaniini, kunyona buyo kusukana maanza a muntuumwi, kawa kufwa moonya mu traki yakwe. Leza inga taaba sibuyaya loko kuli ndinywe mbuli kumupa ciindi cimbi.

Tozyi kaindi oyo moyo nouya kubamba kuduntaana kwawo kwa mamano. Ko ci yeeya.

¹⁷⁵ I Kuboola kwa Kristo nkumwesya zitondezyo kuli nkuko. Amu lange alinjiyo. Amubone ikuti na eco Nce mwaambila sunumasiku. . . Ndiza inga ticaba campuwo maningi, pele bwalo Mbwini. Nceeco Leza nca kaamba, elyo mpaawa mpo tubede.

¹⁷⁶ Banakazi taba yandi kukkala ku ng'anda. Taba yandi kumamela mikwasyi yabo. ba jana buyo basikulela bana babbadelwa akuzwa kwiinka ku busena bwa parti kumwi. kusunda kwa bana, zintu zyonse kazicitika; kugela masusu abo, kusama zibbudula, kuli penta. Kuya bwiindila kubota maningi a kubota maningi. Muntu, bana balombe ba Leza, bali mukuwa. Kalo nkooze ka Saatani ka kubelesya, bana balombe ba Leza bawida muli nkako. Mbubonya mbuli Jesu mbwa kaamba, ceelede kucitika. Wa kati ciyooba okuya, nkabela nceeci we. Wa kati, "Cindi zintu ezi zyaboola kucitika, eyi nzyalani taika lobi," alimwi eyo myaka ili makumi one, "kusikila zintu ezi zyoonse zika zulile." Amu ci yeeya.

¹⁷⁷ Sena ucili membala buyo wa mbungano? Sena wacita cilubide? Langa a kulingula buumi bwako koonse, sunumasiku, baalumi, banakazi. Ko li langa, langa ku lubizya kwako omwini. Inzi, mu ciimo cako calino, ikuti na Kristo wakali aa nyika kakambauka ceeci? Yebo wati "Ikuti—ikuti Na kacita, ikuti Ne ka Mu mvwa kakambauka ceeco, Ne—Ne keempwa." Ikuti na inga wacita, Eli ndi Ijwi Lyakwe Lini sunumasiku, uyo cicita lino. Ikuti na tojisi Leza, alimwi ulizi. . .

¹⁷⁸ "Oh," yebo wati, "Ndi zulilwa ku mbungano. Nda kaambaula mu myaambo. Nse—Nse citi. . ." Lino twa bikka ceeco ambali. Ko lilanga omwini, kolingula buumi bwako lino a Ijwi lya Leza. Sa uli muntu oyo wa kutantamuka a kwaamba, "Ta ndikwe makani eco Bbaibbele nco lyaamba. Mukwesu Branham, Ndi yeeya kuti uli lubide"? Ta ndili ndime oyo ulubide. Ikuti na kuli cilubide cimwi kujatikizya Ndilyo, Ndi Ijwi.

Nkokuti tona ku muziba Leza pe, alimwi toli masimpe kuti na Jesu ingawaboola ku oora eli kutegwa yebo ulibambile kuunka. Nkaambonzi nconga wabbingila, cindi wabona lufu kaluswena munsu, cindi wabona mamano kaswena munsu?

¹⁷⁹ Ikuti na kuli umwi awa, a mitwe yanu kiikoteme lino, uyanda kwiibalukwa mu kukomba mbuli mbo tu jala, sa inga wanyamuna buyo janza lyako a kwaamba, "Mukwesu, kondi kombela." Leza aku longezye, mucizi. Leza aku longezye, mukwesu, mucizi. Oh, koonse buyo mu buyake.

¹⁸⁰ Nce ncico, atu bweze buyo kulingula kuniini lino. Nywebo nobacizi lino, a lusyomo loonse lubotu a bulangizi, amuyeeye buyo kuli eci. "Sena Nda kaswiilila Leza ncobeni? Ncobeni, ino kuyandisya kwangu kuli aali? Mukwesu Branham, Ndi—Ndi—

Ndi—Ndi cicita zintu ezi. Ndi—Ndi limvwa kabotu. Nda limvwa kukkomana.”

Sena mulizi kuti bahedeni balimvwa mbuli kukkomana buyo? Nywebo mulizi, muntu mukolwi uli kkomene ncobeni, kungsi lya zikola, mbubonya mbuli mbo mubede, koongelezya kwa zikola? Elyo ikuti na uli kkomene kungsi lya cintu cili coonse eco ciimpene ku Ijwi lya Leza, ngu dyabulosi. Ikuti na wati, “Ndili kkuutilide mu mbungano yangu,” nkabela wamvwa Ijwi lya Leza kali kambaukwa, nkabela kota bindi kuli Ndilyo, uli nanikidwe kwiinda ku cintu cilubide, takukwe makani bunanike bwako mbobubede. Nda kababona kaba kwiila, a kusotoka a koongolola, a—a zintuzyonse, a kunywa bulowa kuzwa ku kapompo kamutwe wamuntu, a kwiitila dyabulosi, mbo mbubo, kukkomana buyo mbuli mbo konzya kuba lyonse. Buhedeni bulaleta kunji kwa lwiiyo lwa kulilemeka kwa mizeezo mbuli cintu cili coonse cimbi, ciimo ca mizeezo. Pele luzibo lwa Kristo ndwa moyo, olo lucinca bubambe boonse, kucinca muntu mu cilenge cipya. Amu ciyeeye, canguzu loko.

¹⁸¹ Koli langa omwini. Koyeeya buyo ciboniboni kumbele lyako, ulali langa lwako. “Sa Nda syomeka? Sa Ndi lisinizize? Sena Nda cita ncobeni, mu moyo wangu, sa Nda mu belekela Mwami?”

¹⁸² Kwaamba, “Nda Ci belekela.” Elyo amulange mukati, nywebo no banakazi a masusu ageledwe, basama tubbudula. Kamu lilanga nywebo nomucita zintu ezi. Amulange kuli ndinywe no baalumi nomu lekela bamakaintu banu ku cicita; kwaamba, “Sa Ndili mwana wa Leza? Sa Ndili muna Sodoma?” Nywebo nobanakazi mwati, “Sa Ndili mwanakazi wabu syaasunu ncobeni, na Ndime cintucimwi ca zambangulwe pati eco Jesu nca kaamba kuyooba okuno ku mazuba akumamanino alubo?” Amu ciyeeye. Amulilange nobeni.

¹⁸³ Mwabona, buntu bwako bwini butondezya obo mbobede. Mwabona? Elyo ikuti na toluleme, sa uyo syomeka kapati ku . . . Kosyomeka lino, tambika janza lyako, kwaamba, “Kristo, Nse jatilili janza lyangu ku Mukwesu Branham na ku muntu umbi pele Yebo, pele Ndili lubide. Kondi jatila. Mukwesu Branham wakasyomezya ku ndikombela, lino Ndiyo tambika janza lyangu, kwaamba, ‘Jesu, kondi fwida luse sunumasiku. Kondi futula nkambo ka Kristo. Nse yandi kusweeka. Buumi obu boonse Mbo kandipa, inga caba cintu cियोosya loko ikuti na Nda—ikuti na Nda cisowa buyo, kakuli Ndi jisi coolwe eci cibotu loko sunumasiku ku kubona ncobeni a meso angu eni kuti mimuni iisubila ilamweka ku mabazu oonse; Kuboola kwa Mwami, cisyomezyo cakuti Uyo tondezya zitondezyo ezi, alimwi Uyo ponya balwazi, Uyo busya bafu, Uyo tanda madaimona; inga kwaba kunji, ii bu- . . . bantu buyo bace, basyoonto buyo abo inyika mboi fubaazya, a kwiita mazina mabi, azimwi zimbi, mbuli boobo.’”

¹⁸⁴ Elyo beelede ku tu ita mazina mabi. Beelede kwiita Bwini mazina mabi. Jesu wakati, “Kufumbwa muntu uukanana ijwi kusampaula Mwana wa muntu, ciyo jatilwa, cindi Na cita cintu nciconya nco mubona kucitwa.” Wa kati, “Pele kufumbwa muntu uyo sampaula Muuya Uusalala, cindi Wa boola kucita cintu nciconya, taba kajatilwi mu inyika eyi.” Mwabona, beelede kucita ceeco. Kweelede kuba Mulumbe mbuli oyo, kubamba bantu ku Ufubaazy, kutondezya kululama kwa Leza kupa mulandu ku inyika yoonse a kwiinyonyoona.

¹⁸⁵ Kuciindi noku cili luse a muntu umwi wiimvwi mu mwaakwe, Jesu Kristo, a mulyango ujukide sunumasiku, sa toko Mu tambula, mweenzuma wangu?

¹⁸⁶ Lino, mbuli cilengwa, caboola ku cipaililo. Eco cili kabotu. Nse jisi cintu caku cilwana. Pele Lugwalo, Lwa kati, “Boonse bakasyoma baka bapatizigwa.” Kuzwa ku moyo wako onse, ikuti na uyopa buumi bwako kuli Jesu Kristo mpoonya awo mpo kkedede, mpoonya awo Mpa akanana kuli nduwe cindi no tambika janza lyako!

¹⁸⁷ Oyo Leza nguwenya wakali kukonzya kwiita muntu oyu kujoka ku buumi, mukuba kalede kafwide nkoonya kumbele lyangu cifumo cino, ku kusimpikizya kuli ndinywe kuti Ndi mwaambila Bwini. Nguni ukonzya kubusya bafu cita Leza? Mbo mbubo. Aboobo tali mweembeli wanu—wanu muniini mucete awa, ngu Kristo oyo umuyanda. Elyo Uli mukutondezya kuli ndinywe sunumasiku, “Mwa kamvwa Bwini. Mwa kabona Bwini. Ci zwa ku Ijwi Lyangu. Mwa kabona Ijwi Lyangu kaliita kujoka. Mula bona Ijwi Lyangu kalyaamba zintu ezi kumbele. Mula cibona kacicitika mbubonya buyo kwiinda mu myaka eyi yoonse, kakutakwe kukakilwa komwe.”

¹⁸⁸ Lino ino uyo citanzi a Jesu, kuciindi mumuni uusubila noumweka? Nkaambonzi to citi eci, kosowa cisaka eco cakaindi ca mapiitnati aanyika! Nkaambonzi tosoweli ansi eyo magazini ya *Kaano Ka Masimpe* kakaindi, elyo ayo maswaanino ayo akaindi—akaindi ayo ngo kwelela buntu bwako mu buzuba abuzuba! Nkaambonzi tobikki eyo televizhioni yakaindi mukubinda mu kkona akwi vuulusya, ikuti na ikutantamuna kuzwa ku cikombelo! Nkaambonzi to bikki ambali zitucelezya zyoonse zimu lamatila kapati! Nkaambonzi to busyi moyo wako kuli Kristo, a kwaamba, “Kristo, Nda manizya sunumasiku. Nda libambila. Nda bona Ula boola. Ndi bweza sutukesi, Bbaibbele lya Leza, eelyo lizwide Buumi Butamani, alimwi, kuzwida eno, Njo pona kuzwa kuli Ceeci!” Sa tamu kaciciti, kuciindi notu komba?

¹⁸⁹ Taata wesu Wakujulu, kutali kwaamba kuba sinciki, pee, Mwami. Pele Mulumbe ula tondekelwa ku ciindi, kutali ku bagame, kutali ku muntu umwi, pele ula tondekelwa ku ciindi. Nciindi Muuya Uusalala niwa kalibonya kundi sungilizya ku

teping'a eyi. Mbuli kuti kwaainda ziindi zinji, zinji kulanduka cikambaukilo eci, kuti twa katondezya mazuba aa Lota, mazuba aa Sodoma, mazuba ayo Jesu nga kaamba, zitondezyo zya ciindi, kuboola kwa Mwami, mu nzila zinji. Elyo mpawo kumane koonse Nkwe kaamba canguzu loko kulwana banakazi ba buzuba buno a koonse ku cisi, mpawo, Taata, Nda kayeeya kuti uyooba Muuya Uusalala ukanana kuli ndime kuti inga Nda ambila bantu kaambo Nce kacitila ceeci. Nku kaambo kakuti Ijwi Lyako linanikidwe lya kavwentaurya loko ku moyo wangu, mane Nse kakonzya buyo kuumuna.

¹⁹⁰ Maanza atandila ku makumi osanwe na makumi ali ciloba aosanwe mu buyake ainka mujulu, Taata, aa Ijwi lya ntalisyo, litendaula lya Mwami. Pele Lya baletela kugabwa, ku bazibya kuti ludweba lulalila; basalali bonse bali mukubungana antoomwe; masi ali mukuyabaala; zitondezyo zya Kuboola; mimuni iisubila ilamweka. Elyo tula bona, kwiinda ku ncito, katondeka ku banakazi besu sunumasiku ba buzuba obuno, kuti nzila eyo Bbaibbele njo lya kaamba kuti baya kuba obo, nkabela mbaaba we.

¹⁹¹ I Jwi litakakilwi ilya Jesu Kristo lyaka tucenjezya ku langilila mazuba aa Nowa a kuceezyanisya a buzuba mbo tupona. Elyo mpawo cindi nitwa kabona zintu ezyo kazicitika, banakazi kababa babotu, a bana ba Leza kaba batola, a nzila zintu ezi mbo ziyoooba, mpawo tu lizi kuti eyo nzyalani iyo bona Kuboola kwa Mwami. Mpawo, tu lizi mumuni uumweka, kuboola Kwakwe kuli muni.

¹⁹² Nda komba, Taata Wakujulu, kuti Uyo leleka umwi aumwi watambika janza lyakwe. Nda—Nda pa buyo mupailo oyu wakusinizya, mubombe, alimwi Ndi lizi kuti Uyo ndimvwa. Wa li sibuyaya loko ku Mukwesu Way cifumo cino, kulekela mupailo muniini mubombe kutalisya oyo moyo kuduntaana alubo, luyandisyo lusinizizye lwa mukwesu oyo waka lokela mu zibelo zya mukaintu wakwe, ciimo citontola a cifwide. Mwami, lekela bantu bazibe sunumasiku kuti ikufwa mu cibi a milandu nintenda isakana kulaale loko kwiinda kufwa lufu lwa kunyama; nkambo taakwe muntu ukonzya ku kujata ku ciindi eco, ikuti na wainda kwiindilila cisitilizyo, mu cibi a nsotoko.

Kopa sunumasiku, Mwami, kuti, buntu boonse bwatambika maanza abo; Nda pa mupailo oyu mu Zina lya Mwami Jesu; kuti kuyoooba lucinco lupati boobo luyo boola ku buumi bwabo, kuti kuyoooba bukanze buli boobo mu moyo wabo, obo bukanze mu moyo wabo cakuti taba kabisiyi limbi kulwana Leza; kuti bayo ima, kuzwa ku oora eli kuyabuya, aa Ijwi lya Leza Litamani, lyakalelekwa a kusaninwa ku Muuya Uusalala Wakwe, a kusololelwa mu tuzila twa Buumi, buzuba a buzuba, mbuli mbo beenda kuzwa ku oora eli, kuzwida eno.

¹⁹³ Lino, Taata Wakujulu, kwayanda Nse kababoni, kwayanda

Nse kakonzyi kusukana maanza abo akunyama awa mu nyika eyi, nekubakuti Ndi yanda kucicita. Pele, Mwami Leza, Nda komba kuti mupailo oyu uyo vwiilwa. Elyo Wa kati mu Ijwi Lyako, “Oyo uyo mvwa Ijwi Lyangu, alimwi uyo syoma ali Nguwe oyo waka Ndi tuma, ujisi Buumi Butamani; nkabela taka booli ku Lubeta, pele wazwa ku lufu kuyaku Buumi.” Mu nzila yangu ibombede ya kuleta Bwini bwa Leza, sunumasiku, banji bakamvwa Ijwi. Lino, Wa kasyomezya kuti Uyo bafutula, alimwi taba “kanyonyooki,” kuti, taakwe muntu ukonzya kubagwisya kuzwa mu janza Lyako, kuti Uyo babusya ku mazuba akumamanino, taakwe masusu amwi aa mitwe yabo eelede kuloba. Wa kacisyomezya.

¹⁹⁴ Lino, mbuli mupailo, mbuli mulanda, Mwami, alimwi mbuli mukwesu kuli—kuli mbabo, Nda—Nda komba mupailo oyu a kuba bikka mu maanza aa Leza, kuti taakwe bubi bomwe buyo sola kukonzya kuboola kuli mbabo, nkabela Saatani taka soli kubagwisya kuzwa ku janza lya Leza. Mbi Bako, zilumbo. Aliwi Ndi syoma kuti Uyo bapa buumi bulamfu, alimwi ikuti na kulakonzeka, aba bone Kuboola kwa Mwami Jesu. Akube kuti baunke kuzwa awa sunumasiku, a kuba basikuleta bantu, ku kwaambila bamwi, ku baleta ku luzibo lwa Kristo lufutula. Ko cipa. Coonse cili mu maanza Aako, Taata. Mu Zina lya Jesu Kristo.

¹⁹⁵ Elyo kuciindi notu kotamikide mitwe yesu aniini buyo. Nda libuzya ikuti na muntu uli boobo uliko lino, abo balimvwa kuti kuciindi notwali mu mupailo kuti—kuti cintucimwi cigambya cacitika mu moyo wako, alimwi ulimvwa kuti kuzwida lino kuti uyo pona buumi bwakasalazigwa kuli Kristo, nkabela muyo bona Kuboola kwa Mwami kuti kuli afwaafwi, mula syoma eco Nce kakambauka kuti bwakali Bwini, kujatikizya mumuni oyu uusubila, wa nzila zintu mbo zibede. Elyo—elyo mula mvwisya kuti ndi Ijwi lya Mwami, nkaambo ngu Kristo, elyo ula syoma, kuzwa sunumasiku kuyabuya, uyo pona buumi, bubotu loko kuli Kristo, nkaambo mupailo oyo ngo kakomba sunumasiku a kulyaambilila nko kapanga. Elyo a mutwe wako kuukoteme, ko tambika buyo janza lyako, kwaamba, “Nda cisyoma. Kuzwa busiku obu kuyabuya, Njo pona buumi bwandeene.” Leza amu longezye. Kuli kabotu. Eco ncibotu loko. Nda syoma kwaamba kutandila nyoonse, antela, abo batambika maanza abo kaindi kainda, batambika maanza abo kusule kuti ba citambula.

¹⁹⁶ Lino ikuti na tona bbizigwa mu Zina lya Jesu Kristo ku kujatilwa kwa zibi zyako, amuyeeye, “Taakwe zina limbi kungsi e Julu lipedwe akati ka bantu omo momweelede kufutulwa, pele Zina lya Jesu Kristo.” Amuyeeye, kuli Nabwiinga omwe biyo, Nabwiinga wa Kristo, nkabela oyo uzyala Zina Lyakwe.

¹⁹⁷ Lino, alimwi ikuti na tona bbizigwa ku kunyikizigwa mu maanzi, mu Zina lya Jesu Kristo, andibe mbuli mulanda Wakwe. . .Ikuti na Leza watondezya kuli ndinywe kwiinda ku

zitondezyo a zigambyo, a kwiinda ku Ijwi Lyakwe, kuti Nda amba Bwini; Nda mulailila mbuli Musalali Paulo mbwa kacita, mu Incito 19, oyo wakajana cikama caba Baptisti. Ba kabbizigwa a Johane Mubapatizi. Wa kati, “Sena mwaka tambula Muuya Uusalala kuzwa nimwa kasyoma?”

Ba kati, “Tu lizi . . . naa kuli Muuya Uusalala uli oonse.”

Wa kati, “Mpawo mwaka bapatizigwa buti?”

Ba kati, “Twa kabbizigwa kale, kwinda kuli Johane Mubapatizi, okuya mu Jordano, muntu nguonya waka bbizya Jesu Kristo.”

¹⁹⁸ Olo inga lwaba lubbizyo lubotu, pele Paulo wakati, “Ta luli kabotu lino.” Wa kabalailila kuti beelede kubbizigwa alubo, mu Zina Iya Jesu Kristo, Incito 19:5.

Elyo Paulo wakati, “Ikuti na Angelo wakaseluka kuzwa ku Julu a kukambauka makani ambi ali oonse kunze Iya Aya Nge kakambauka, abe mutuke,” Bagalatia 1:8. Mpawo wa kaciloolola, kati, “Mbuli Mbwe amba, aboobo Nda amba alubo. ‘Nekubakuti Angelo,’” muleke alikke mukutausi, bishopo, pope, na kufumbwa mbo cinga caba, “ikuti na Angelo wakaseluka kuzwa ku Julu, ii—ii Kerabimu kuzwaku Majulu, a kukambauka makani ambi kunze Iya Ayo, abe mutuke.”

Mpawo, Nda kulailila, ikuti na tona bbizigwa mu Zina Iya Jesu Kristo, kuciindi maanzi nali mu ciziba, nkabela zikobela zila lindila, boola a kubbizigwa, “Kwiitila ku Zina Iya Mwami, nkabela muyo tambula cipego ca Muuya Uusalala; nkambo cisyomezyo cili kuli ndinywe aku bana banu, akuli baabo bali kulaale, abalo boonse Mwami Leza wesu mbayo ita.”

¹⁹⁹ Taata wesu Wakujulu, lino cili kuli Nduwe. Kusungilizya bantu, Nda sola; pele kubamba bantu, Nse konzyi. Elyo To beleki kulwana luyando lwa muntu; nkaambo, ikuti na mwaalumi na mwanakazi waka kanzilwa ku Buumi Butamani, cindi Mumuni wa Leza wamweka ku mbutu eyo, iyo boola ku Buumi. Elyo ikuti na kuli Buumi akati kesu sunumasiku, Taata, kuti Wa kamwesya Mumuni Wako atala, nkabela babu bona Bwini, akube kuti beende cakulibombya a cabubotu ku ciziba, ku bapatizigwa mu Zina Iya Mwana Wako uuyandwa, Jesu Kristo.

²⁰⁰ Kwalo, tu lizi kuti muntu aumwi mu Lugwalo wakacita kubbizigwa, a kubbizigwa lwabili. Abo bata kabapatizigwa mu Zina Iya Jesu Kristo, bakacita kubapatizigwa alimwi. Elyo muapostolo mupati, oyo waka jisi zijaluzyo zyaku Bwami, kati aa Buzuba bwa Pentekoste, “Amusanduke, umwi aumwi wanu, a kubapatizigwa mu Zina Iya Jesu Kristo kuti mujatilwe zibi zyanu, kuti zibi zyanu zijatilwe, elyo mpawo cisyomezyo ca Muuya Uusalala cili kuli ndinywe.” Kopa kuti cikabwezegwe mu kweeleka kuzulide sunumasiku, Taata.

²⁰¹ Nda batuula kuli Nduwe lino. “Bweza majwi aya masyoonto a kuyeeya kwa moyo wangu, alimwi akube kuti abe uutambulika mu busyu Bwako, O Mwami.” Elyo cijatisyo aa bana Bako, a kubapa Buumi Butamani. Kovuna boonse abo balipede, a kponya abo baciswa. Akube kuti luzyalo lwa Leza lube ali umwi aumwi wabo, mbuli mbo tu batuula kuli Nduwe lino, mu Zina Iya Jesu.

²⁰² Lino a mitwe yesu kiikoteme, Ndiyo lomba mucizi wesu oyo uulizya piyaano kuboala okuno. Asyoonto buyo, kutandila maminiti ambi atandila kuli osanwe. Elyo ikuti na kuli umwi uyanda kubbizigwa lino, oyo wabamba kulyaambilila a kusyoma. Ikuti na mula syoma kuti Jesu Kristo walo Mwana wa Leza, alimwi mula cisyoma a moyo wanu oonse, kutali buyo—buyo kulimvwa, pele ula cisyoma, alimwi uli libambilide kulyaambilila kuti uli lubide; nkabela toimvwi ku bweelelo bwako, pele ali ceeco Nca kacita; alimwi uli libambilide kweenda kumbele, ku kusama Zina Lyakwe mu lubbizyo lwa maanzi, waba cizo ca Mubili kwiinda ku Muuya Uusalala; mpawo, kaanda ka banakazi kali mu lulyo lwangu, elyo kaanda ka baalumi kali ku lumwensi lwangu, a zikobela a zintu kazibambidwe.

²⁰³ Kuciindi notu kotamika mitwe yesu, mbuli mucizi wesu mbwalizya, “Nda konzya kumvwa Mufutuli wangu kaita,” ikuti na sikusololela mu nyimbo uyo tupa ijwi liniini Iya ceeco. A mitwe yesu kiikoteme eno, mulimo uli mu janza Iya Leza Singuzuyoonse lino; ku muntu oonse uyanda kubapatizigwa; bayanda kunjila mu twaanda twa mipailo ku kombela lubapatizyo lwa Muuya Uusalala, kuli sikulailila awa uti libambile kulailila na kucita cili conse. Akube kuti Majwi atawi mubuyo, pele amanizye eco nca kakanzilwa. A mitwe yesu kiikoteme, akube kuti tupaile lino. Elyo, oko Nkwa kusololela, kutobela.

. . . konzya kumvwa wangu . . .

Lino komba, Munakristo aumwi.

Nda . . . Mufutuli wangu . . .

Sa inga wa Mu mvwa kaita, cindi Na abusya muntu uufwide cifumo cino? Sa mula konzya ku Mu mvwa kaita, cindi Na ali mu Ijwi, kumwesya Mimuni Yakwe ku ciindi camamanino?

Njo unka a Nguwe, a Nguwe . . .

Sa uli libambilide kuunka nzila yoonse?

Oko Nkwa . . .

Leza aku longezye, mukwesu wangu. I baalumi ku lumwensi, banakazi ku lulyo.

. . . Nkwa ndisololela Ndiyo tobela,
Oko Nkwa sololela . . .

I Bbaibbele lyakati, “Boonse bakasyoma baka bapatizigwa.”

...tobela,

Njo unka a Nguwe, a Nguwe nzila yoonse.

Njo unka a Nguwe kwiinda mu muunda,

Njo unka a Nguwe kwiinda...(I Muuya
Uusalala...?...))

...Nguwe kwiinda i...

Ikuti na muntuumwi waunka a banakazi awa, ku kuyandaula Muuya Uusalala, koya mu kaanda ku lulyo, bamwi banu bacizi bakalaililwa mu Mwami.

...nzila yoonse.

Oko Nkwa sololela...

Sa inga waamba ca kusyomeka kuti, “Oko Nkwa ndisololela Ndiyo tobela”? Sa mula cicita? Oko Jwi eelyo liniini nkoli kanana kuli ndinywe, sa mula—sa mula—sa mula unka oko Nkwa sololela? Amulangilile mumuni uusubila. Mwabona mumuni kaumweka? Tuli ku ciindi camamanino.

...Nkwa ndisololela Ndiyo tobela,

Ndiyo...a Nguwe nzila yoonse.

Nda konzya kumvwa...

Mbobuti Mbwa kanana? Kwiinda mu Ijwi Lyakwe, mu moyo wako. Sa inga waboola lino? Oku nku tambwa kwako. Amuyeeye, ikuti na cacitika katutana kuboola antoomwe alubo, mwa kacenjezewa.

...mvwa Mufutuli wangu kaita,

“Kobweza ciingano cako, a kutobela, Ndi tobele.”

Oko...

Lino sa bamwi bakwesu, ku malailile, kamuya mu kaanda okuno ku lumwensi lwangu, a bakwesu kabalibambila ku lubbizyo na?

Oko Nkwa sololela...(Bamwi bakwesu bakutausi awa...?...amu njile mu kaanda a mbabo)...kutobela,

Oko Nkwa ndisololela, Ndi...(Sena muli sinizizye ncobeni?)...tobela,

Njo unka a Nguwe, a Nguwe nzila yoonse.

²⁰⁴ Lino, asyoonto buyo. Lino, ikuti na tona bbizigwa mu maanzi, ku kunyikizigwa mu Zina Iya Mwami Jesu Kristo. Mabande buyo alikke, “Taata, Mwana, Muuya Uusalala,” kwakanyina muntu mu Bbaibbele lyoonse, taakwe muntu omwe, wakasola kubbizigwa mu Bbaibbele, mu Zina Iya “Taata, Mwana, a Muuya Uusalala,” mu bubande obo. Taakwe muntu wakasola kubbizigwa mu mbungano, mu makani aakale, kwa myaka mitaanzi ili myaanda yotatwe lubazu olu, umwi aumwi

waka bbizigwa mu Zina Iya Mwami Jesu Kristo, kusikila ku Kkansa yaku Nicaea ku Nicaea, Rome, oko mbungano ya Katolika yaba Roma nkoya kabunganisigwa, mpawo baka sintanya mabande aa “Taata, Mwana, Muuya Uusalala.”

²⁰⁵ Ikuti na kuli simakani akale, mukutausi, kufumbwa muntuumwi umbi, mu luwo, mu teepu, oyo ukonzya kuleta Lugwalo lomwe na kabeela komwe ka makani aakale, awo muntu uli oonse mpa kasola kubbizigwa munzila imbi kunze Iya mu Zina Iya Jesu Kristo, mane mbungano ya Katolika yaba Roma ku Nicaea, Rome, uli sinikizidwe ku cileta kuli ndime, andi lilekelele. Kwiina cintu cili boobo. Peepe. Elyo muntu aumwi waka bbizigwa ku kunyikizigwa, oyo wata kabapatizigwa mu Zina Iya Jesu Kristo, waka laililwa, kabatana konzya kunjila Bulemu, kujokela a kubbizigwa alubo. Lino cili kuli ndinywe.


²⁰⁶ Kwiina Lugwalo mu Bbaibbele, awo bantu bamwi mpo bakasola kubbizigwa, kubelesya zina Iya “Taata, Mwana, a Muuya Uusalala,” mbuli bantu mbo babapatizya sunu. Nkansiyansiya ka Katolika, ka Katolika yaba Roma ako kakapegwa mucindi ca Martin Luther, a John Wesley, kazumanana kweenda. Elyo Bbaibbele Iya kaamba kumbele kuti ciyooba mu nzila eyo, nkabela ciyo maninina mu mazuba aa mamanino, elyo mulyango nowaka julwa, mbuli mbo twa kazwaa kwiinda mu makkalo aa mbungano ku cibona.

²⁰⁷ Cili kuli ndinywe. Ndili mutumwa buyo wa Mulumbe. Lomwe alubo, atu cisyome. I milyango ili jukide. I busena bwakubbilila buli zwide, nkabela kwiina kaambo...Kuli zikobela zibambidwe, nkabela tuyo libambila kubbizya mu maminiti masyoonto atobela.

²⁰⁸ Ikuti na uli waano nkabela tona bbizigwa, alubo atwi imbe, a kuboola, sena toko ocita? Kuzulizya . . .

²⁰⁹ Yebo wati, “Ndi kanza kucita ceeco buzubabumwi, Mukwesu Branham.” Obo buzuba bumwi inga bwa ku swaana mbuli mbo cacita Mukwesu Way cifumo cino, pele ndiza inga kalutali luzyalo lunga Iwa citobela, mbuli mbo Iwa cita. Inga waunka kufumbwa miniti. Naa uli mukubusyi, ikuti na wapona masiku, uyo . . .Elyo ikuti na uli myaka ili makumi ali ciloba yakukomena, uyo pona kwiinda bajisi myaka minji ili kkumi yakukomena, a kkumi ayosanwe-, bantu ba myaka ili makumi otatwe yakukomena. Zyuulu zya mbabo bayoofwa masiku onse. Mbo mbubo. To zyi cindi noya kuunka.

²¹⁰ Koba masimpe. Uta bwezi coolwe ali ceeco. Amuyeeye buyo, inga wabweza ciindi aa mulimo wako, na kubweza ciindi ali *ceeci*, pele uta toli ciindi ali ceeco. Kamu yeeya, jwi lyangu liyooba bumboni aa teepu ya Leza ya magneti ku Buzuba bwa Lubeta, kui ilwana.

²¹¹ Aboobo lino amu ciyeeye, mbuli mbo twiimba alubo a mitwe yesu kiikoteme. “Oko Nkwa...” Mukwesu Neville. “. . . Ndiyo tobela.” 

63-0623E I Kumweka Kwa Mumuni Usubila
Wa Citondezayo Ca Kuboola Kwakwe
Branham Tabernacle
Jeffersonville, Indiana U.S.A.

CHITONGA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakuajokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org